

# مشروع الحكايا والتاريخ الشفوي

## ورشة المعارف

٢٠٢٠

الحكواتية: سلوى جرادات

السلسلة: تجدد

التاريخ: 01/10/2020

رقم الأرشيف: 20-TOH-002

نوع الأرشيف: محدود (بطلب إذن خاص)

تجدد	السلسلة/الموضوع الرئيسي
20-TOH-002	رقم الأرشيف
محدود (بطلب إذن خاص)	نوع الأرشيف
سلوى جرادات	الحكواتية
1989	تاريخ ميلاد الحكواتية
01/10/2020	تاريخ ومكان المقابلة
تحكي سلوى عن طفولتها في فلسطين وعلاقتها مع المدن والقرى التي عاشت فيها، وتحدثت عن الجو السياسي والموسيقى التي نشأت فيه. تحكي عن علاقتها بجذتها وتأثيرها على حبها للموسيقى والتاريخ النسائي. تروي تجربتها عن انتقالها الى لبنان والأحداث والظروف الصعبة التي واجهتها. تتحدث عن إكتشافها لنفسها موسيقياً من خلال عملية غوصها في تاريخ الموسيقى النسائية العربية/المشرقية منذ القرن التاسع عشر، وعن إعادة إحياء تلك الأصوات من خلال عروضها الموسيقية وعملها على مشاريع حول غناء النساء المتصوفات في الجامعة ودور النساء في الإرث الموسيقي العربي.	ملخص التاريخ الشفوي
ماريانا نقفور باحثة حاصلة على شهادة الدراسات العليا في الأنثروبولوجيا وهي تهتم بالتراث الثقافي غير المادي.	معلومات عن الباحثة
زينب الديراني	التفريغ
1989، القدس، طفولة، الخليل، رام الله، فلسطين، الموسيقى، ماجيستير، جامعة الكاسليك، مركز الدراسات الفلسطينية، أرشيف صور، فلسطين، أرشيف ورق، سعير، قرية (قريتي)، موسيقى-أكاديمي، ست (ستي)، أعمام (عمامي)، السياسة، أب (بيي)، ميجانا وعتابا، غنى وموسيقى، التضال الفلسطيني، عيلة (عيلتي)، عمر 6 سنين، وليد عبد السلام، المسرح، النمط الكلاسيكي للسياسيين، ثورة، صحافة، رام الله، مدرسة، المدينة، الخليل، الشغل، شغل أهلي، التنقل، علاقة مع مكان معين، ماما، بيوت، مدن، المكان الآمن، ذكريات، محلات، أراضي، طبيعة، قصص، مدينة وقرية، قرية محافظة، شيعية، نمط تربية، المجتمع المتدين، عيلة إتي، عيلة يتي، عالمين، القرية والمدينة، الضيعة، عمر 26 سنة، بيت الضيعة، جبل، شجر لوز، الطبيعة، جبل صخري، بيتي، نلعب بيت بيوت، سهل، البيت، الضيعة وذكرياتها، ستي، نسوية، مقاومة، جدي، تحتي [من حنة] إيديها وشعرها، حنة، tattoo، الأرض، الشيب، قصة حب، موسيقى، ألوان الموسيقى، عمامي، الناي، القصب، البيئة، عود، عبد الوهاب، الراديو، نجاة الصغيرة، نقابة العمال، اتحاد عمال، اتحاد لجان المرأة الفلسطينية، عمل سياسي-مجتمعي، مظاهرات، المظاهرة نسوية، عنف، الإسرائيلية، غاز، نقص أوكسجين، نقابية، السجون الإسرائيلية، حضانة غسان كنفاني، زوجة أسير، ضغط مجتمعي، منتج موسيقي، إيقاع، البحث الموسيقي، إدارة، سينما، كمنجا، جنوب لبنان، مدرسة رام الله، غسان كنفاني، بيرزيت، عبد الوهاب، أم كلثوم، الموسيقى العربية، بزق، مقامات، فرنسا، الموسيقى	الكلمات الدلالية

الكلاسيكية الغربية، تونس، لبنان، وزارة الثقافة الفلسطينية، مطار عمان، الجامعة الأنطونية، تخصص الموسيقى الشرقية، musicology، الإقامة، الأمن العام، السياسة، تاريخ، التاريخ الموسيقي، صفوف بالفرنسي، الفلسطيني، السوري، عنصرية، شغل، فرن الشباك، ستوديو، وجود مؤقت، الانفجار، أمن عام، الكون الفلسطيني بمخيمات اللجوء- ذكورية، صالح عبدالحى، عبدالحليم حلمي، يوسف المنيلوي، سامي الشقي، نسوي، العوالم، موسيقى نسائية - النساء منذ قرن التاسع عشر لليوم، عوالم شارع عماد الدين، مترو المدينة، أغاني للنساء فقط، أغاني إباحية، أغاني جريئة، أغاني للنساء عن الحب، العاطفة، نساء تغنوا بأنفسهن، [نساء] تغنوا بجسدهم، المتصوفات النساء، جلال الدين الزومي، رابعة العلوية، شعر صوفي، شاعرات متصوفات، غوغل [google]، "تصوف"، بردة، أم كلثوم، مصطفى سعيد، عائشة البعونية، التاريخ، صف عربي، الشق اللغوي، مدح الرسول، اللون الموسيقي العربي، مشرق، تقاطيق العوالم، المدرسة، صف الموسيقى، حفلة آخر السنة، فيروز، نسّم علينا الهوا، بكرم اللولو، غني، الأورغ، حفلات المدرسة، كورال، وليد عبدالسلام، أغاني الإنتفاضة الثانية، معهد إدوارد سعيد، غناء، وعزف بزق، فنانات فلسطينيات، سناء موسى، دلال أبو آمنة، العوالم، عرض "هنا القدس"، جو القدس بالتلاتينات، نساء القرن التاسع عشر، أول قرن العشرين، أول ما بلّشت كورونا، فرقة "أصيل"، الجامعة، منيرة المهديّة، أسما الكمثرية، أول القرن العشرين، آخر القرن التاسع عشر، عرض "هنا القدس"، بندورة، وكوسى، بتنجان، ذرة، خيار، أرض واسعة، شغل، إنتاجية بالشغل، سبت وأحد، Facebook، [غروب] إزرع، الضبعة بسعير.

## Rights of Ownership for the Storytelling and Oral History Project

The Knowledge Workshop holds full or co-ownership of all items that it archives and publishes. Recordings published on the Knowledge Workshop website can be used only for cultural, educational and non-profit purposes, and never for commercial purposes.

To use the material on our website, including the oral histories and their related images, we ask that you always reference the Knowledge Workshop with: Storyteller's name, interviewed by Researcher's name, Date, The Storytelling and Oral History Project, the Knowledge Workshop, Beirut, Lebanon, page number. [Ex. Nazik Saba Yared, interviewed by Deema Kaedbey, 2017, The Storytelling and Oral History Project, the Knowledge Workshop, Beirut, Lebanon, pp 12.]

To use the limited-use items held within the Knowledge Workshop, you can visit our office in Furn El Chebbak and fill out a permission form. You can use these items inside the Knowledge Workshop space, but we request that you consult with us on which items you can use. Some of these items require permission from the storytellers before being used.

### حقوق ملكية لمشروع الحكايا والتاريخ الشفوي

لورشة المعارف ملكية تامة أو مشتركة للمواد التي تؤرشفها وتنشرها. التاريخ الشفوي المنشور على الصفحة الالكترونية لورشة المعارف يمكن استعمالها فقط لأهداف ثقافية وتثقيفية لا تبغى الربح، ولا يمكن استعمالها لأهداف تجارية تبغى الربح.

لاستعمال المواد على صفحتنا الالكترونية، من ضمنها التاريخ الشفوي والصور المرافقة نطلب منكم التنويه بورشة المعارف كمرجع باستعمال: اسم الحكواتية، قابلتها اسم الباحثة، السنة، مشروع الحكايا والتاريخ الشفوي، ورشة المعارف، بيروت، لبنان، الصفحة. [مثلاً: نازك سابا يارد، قابلتها ديمة قاندييه، ٢٠١٧، مشروع الحكايا والتاريخ الشفوي، ورشة المعارف، بيروت، لبنان، ص. ١٢]

لاستعمال المواد المحددة الاستعمال الموجودة في ورشة المعارف (الغير متاحة على صفحتنا)، يمكنكم القدوم الى مكتبنا في فرن الشباك وتعبئة استمارة الطلب. بالإمكان استعمال هذه الموارد داخل ورشة المعارف، لكن نسألكم ان تستشيرونا عن أي مواد يمكن استعمالها. بعض هذه المواد تتطلب طلب من الحكواتيات قبل استعمالها.

مريانا نكفور: اليوم 1 أكتوبر 2020، أنا بالأشرفية، عم بعمل مقابلة تاريخ شفوي مع سلوى جرادات. أول شي، فيكي تعرفينا عن حالك؟ إسمك، أي سنة خلقتي، وين خلقتي، شو بتعملي؟

سلوى جرادات: [00:00:22] إسمي سلوى، خليل، إسمي سلوى خليل جرادات، وعمري، مش عارفة، 30، 31، دايماً في هاي ال--، مواليد 89 أنا، 1989، ممم... إنخلقت بالقدس، وعشت جزء من طفولتي، وبعدين عشت طفولتي الباقية بين الخليل ورامالله، بفلسطين يعني، وشو بعمل؟ أنا بحب الموسيقى كثير، حالياً بعمل موسيقى، بغني، بتعلم، بعمل الماجستير تبعي بجامعة الكاسليك، و، وبشتغل بأرشيف مركز الدراسات الفلسطينية، أرشيف صور، ممم، كل شي خصوصاً بفلسطين، وأرشيف ورقّي، وهي التفاصيل. هي أنا [؟؟؟ غير واضح؟؟؟]

م.ن.: ممم، فيكي تخبرينا عن المناطق اللي ربيت فيها؟ بفلسطين؟

س.ج.: [00:01:14] إيه، طفولتي الأكثر كانت بالخليل، بقرية بسعير و... كانت شوي غريبة، ممم، بتشبه المكان كثير، يعني... بتشبهه، بتشبهه قرّيتي كثير اللي هي صارت أنا بشبهها كثير بحسّ حالي، كثير هيك ببقى خبصة إشي، وكثير بتطلع عمحلات، إتو ما يعرف، بعيدة، وكثير إشيا بجزب أوصلها، وبحبّ أغيب كثير، وبحبّ بعد كثير، وبحبّ جزب، ف... ما يعرف طفولتي... أوف، يعني، قديّه صرلي حدا ما سألني عن طفولتي لفكر فيها. ممم... من أنا صغيرة، ربيت كثير عنيدة، وكثير بحبّ جزب قصص، و ربيت بجو... هو مشّ موسيقيّ يعني موسيقيّ-أكاديمي، هو موسيقيّ بالفطرة، ستيّ صوتها كثير حلو، بتغني، وعمامي كمان، بسّ لإتوا جونا العام، كان، يعني عمامي بيشتغلوا كثير بالسياسة، وببيي، وخصوصاً عمي الكبير، هتي عندهن صوت كثير كثير حلو، بسّ كان دايماً بينهم يغنوا، فانا ربيت بال-بالقعدات الصغيرة تبعت العيلة، إتو نحنا دايماً منغني، وميجانا وعتابا، وهادّ الجوّ اللي كل الوقت، يعني بتذكر إتو عنجدّ كلّ قعدتنا، ما كانت [صوت موتير/دراجة]، ما كانت تخلي من الغنى، والضحك، وعندي عمتي، عمتي ريا، كثير، كثير بيقولوا إتو أنا بشبهها، حدا كثير، كلّ الوقت هيك، إتو ضحك، ومزح، وغنى وموسيقى، وهيك، فمن هون بلّشت، يعني من هون هي قعدة الصغيرة، بسّ الجوّ العام للعيلة هو، بعيد شوي يعني، هو كثير سياسي، وكثير، ممم... فايث بالوضع ب، يلّي، بالنضال الفلسطيني، واللي هو كلّ الفلسطينيّة إجمالاً بيعيشوه، بسّ إحنا لإتوا فتنا كثير بالسياسة، هلق، بحكي عن عيلتي يعني، [صوت عصافير] فمن هون بلّشت، بلّشت شوي شوي إكتشف التفاصيل اللي بحبها أنا، وين بدّي غني، وين بدّي كون، وهيك.

م.ن.: قديّه كان عمرك، بهالفترة؟

س.ج.: [00:03:20] يعني... من س-- من عمر 6 سنين أنا بقعد بهي القعدات [صوت ضحك بالخلفية]، من عمر 6 سنين وأنا بشوف عمي وعمتي وكذا بيغنوا، ودايماً براسي إتو "ليه بسّ هون بيغنوا؟"، يعني لما كبرت، كثير كان إتو ليش--، مثلاً، بياخدونا منحضر حفلة، لمثلاً وليد عبد السلام، بيغني، ممم... ليه أنا بسّ بسمعهن هون، ليه ما بيغنوا هناك، عالمسرح؟، بسّ فهمت--، يعني بسّ كبرت فهمت قصّة إتو أه، إتو [؟؟؟ أوكيه؟؟؟] سياسيّة، وفي هي الهيبة وكذا اللي--، بتعرفي النمط الكلاسيكي للسياسيين عتاً، وبحسّ من هون بلّشت ثورة حالي أنا عهالشي، يعني، أنا صرت عم--، مع إتو ضليبتني بهادا المزيج الملحظ مع حالي، اللي هو... إتو أنا بدّي روح للسياسة، وكذا، ولما كان كلّ حدا يسألني "شو بدك تعملي سلوى؟"، بدّي أعمل صحافة، ويغني، أنا بدّي ضلّ بهادّ المحلّ، بسّ بذات الوقت، بدّي روح عمحلّ كمان أنا بحبوا وبشوف حالي فيه... ممم، طفولتي طفولتي، وأنا صغيرة، عشت برامالله، و...

م.ن.: قديش كان عمرك بسّ كنتي برامالله؟

س.ج.: [00:04:26] يعني أنا إنخلقت ب، بالقدس، وبعدين إنتقلنا لرامالله، ممم، وعشت هناك، ممم، خمس سنين، ستّ سنين من حياتي، وبلّشت مدرسة، بعدين إجا قرار كمان سياسيّ لينتقل بيي بعملوا الحزبيّ من ر--، من رامالله لمنطقة الخليل، بعدين رحنا عشنا ب، بالمدينة بالخليل، صراحة ما بنيت كثير علاقة، لإتني تعودت، بسبب هادّ الشغل، يعني شغل أهلي، تعودت على كثير إتو إنتقل، فما كان في عندي علاقة مع محلّ معين، وهادّ كمان كان جزء من القصص اللي حسيت إتو... بلّشت إكتشفها هلق لما كبرت، ما كان عندي علاقة واضحة مع بيت، ولا مع منطقة معينة، كثير تنقلنا، وكان كلو أغلبه تكون ال--، القرار السياسيّ، يعني هلق شغل بيي هون، فنحننا منتقل مع بيي لهي المنطقة، هلق ماما كذا، عرفتي؟، هيك، ف، كثير [زامامير سيارات] غيرنا بيوت، هيديك المرّة عمّ نجزب أنا وإخوانتي نتذكر كمّ بيت عشنا فيه، [صوت سيارة]، شي 12 بيت، 13 بيت

[تبتسم]، و 3 مدن، وهيك...، إيه، ف، ب--، يعني ما عندي هاذ الشّعور مع المكان ال-- الأمن، اللي هو أصلاً ما بتحسّيه بفلسطين بشكل عام، وزيدي إتو أنا ما بحسّوا كمان ب--، ب--، بالبيت، يعني، بمكان معيّن، فذكرياتي إليها كثير محلات، وإلها كثير بيوت، كثير أراضي، كثير طبيعة، كثير قصص، مدينة وقرية وهيك

م.ن.: خبرتيني عن الخليل؟ قلتيلي إتو بتحسّيه كثير بتشبهك؟

س.ج.: [00:06:00] قريتي، اللي هيّي سعير بالخليل، صحّ

م.ن.: إيه، فيكي تشرحيلي أكثر ليه بتحسّيه بتشبهك؟ هالمناء-- مناظر هونيك، ولا الحياة، ولا...

س.ج.: [00:06:08] صغير هيّي قرية كثير محافظة، و... بسّ مثلاً، فيها هاذ الشّكل من ال--، يعني مثلاً عيلتي كثير، مم، عشت بعيلة شيعوية، يعني، بسّ هنيّي عايشين بهاي المكان، بهاذ المحلّ اللي فيه كثير محافظة، فكان دايماً في هاذ الواقع اللي عم بشوفوا قدامي، بسّ بنفس الوقت عم بربي بطريقة مختلفة، يعني، [صوت دولاب على الأرض]، في نمط تربية وحديث، و-- مختلف عن الواقع اللي أنا عايشته، بسّ بذات الوقت، أنا بحبّ، يعني، يعني، أنا منتمية لهاذ المحلّ، بمحلّ، بجزئيّات صغيرة، والجزئيّات الأكبر، كيف أنا بدّي عيش فيها؟ أنا ما بشبهها. بحسّتي بشبه، يعني بحسّ إتو أنا قادرة إفه--، يعني أنا هلق بالمجتمع كثير قادرة إفهم على كثير عالم، كثير قادرة إفهم، حتّى المتديّن، حتّى المسكر، و، وكمان، أنا، عيلة إمي، كثير متديّنين، كثير، وعيلة بيّي كثير منفتحين، ف، ف، يعني، في عالمين طول الوقت أنا عايشة فيهم، وفي عالمين حتّى بين القرية والمدينة، بين عيلة إمي وعيلة بيّي، بين هيّي التفصيل، بين ال--، الواقع تبع الضيّعة تبعنا، وال--، وال--، والواقع اللي نحنا كيف ربينا، وكذا، كنت دايماً بحسّ حالي بشبه بمحلّ، ما يشبه بمحلّ. إيه، هيك يعني، أوّل مرّة عفكرة بحكي عن هيّي الأشياء، هلق لأمّ--

م.ن.: \_\_\_\_\_ عنجد شو حلوا! [تضحك]

س.ج.: [00:07:33] لأ، عنجدّ، لأمّ سألتيني، بسّ إتو دايماً بتخطرلي أفكار، بهاذ المحلّ، يعني إتو، قدّيش أنا، قدّيه، طفولتي بنت إشيأ، أو أنا ليه وصلت لهون، أو ليش عم فكر هيك [ضحك سيارات]

م.ن.: يعني بسّ تطلّعي لورا، بتلاقي إتو هيدا الشّي حلوا، إتو صار معك، ولا بتحزني؟

س.ج.: [00:07:51] ممم، لحدّ عمر 26 سنة، كان عندي نقمة على فكرة إتو أنا ما إلي ذكريات بمحلّ معيّن، على إتو إحنا تنقلنا كثير، على هيّي التفاصيل كلّها، بسّ هلق لأ، بشوفهم من محلّ كثير غير، مختلف، بفهم أنا ليه هالقدّ بتقبّل، بفهم أنا ليه هالقدّ بحبّ جرب، بفهم ليه فيّي إسمع كلّ حدا وكون رفيقة كلّ حدا بمحلّ، و--، فيّي شوف الأشياء، يعني، في ناس بيربوا، بيربوا، يعني، إلي ن أصحاب كثير، بيربوا من محلّ معيّن، بيصيروا بيشفوا أغلب الأمور من زاويتهم، بحسّ حالي ما فيّي شوف أمور من زاوية وحدة. دايماً، دايماً بتطلّع كثير من زوايا، وهيّي الزوايا لأمّ إرجع، بلاقي هيّي اللي عشتها أنا، لأنّي أنا عشت بكثر زوايا

م.ن.: مزبوط، يعني ما في هيك... محلّ يمكن أكثر شي معلقة فيه، يعني مثلاً بتندكرّي إتو هون أكثر شي قضيت إيام، عندي ذكريات بطفولتي، أو بهيدا البيت، أو هالشارع؟

س.ج.: [00:08:47] ممم، ص--، عنجدّ لأ، يمكن أكثر بيت حبيته، إيه، هو بيت بالضيّعة، كان، كان جاي على جبل، وفيه، في حدوا شجر لوز كثير [صوت سيارات]، كان دايماً أنا حدا كثير بيحبّ يطلع عاللوزة، يعني، يطلع عالشجر، وينزل، وكذا، فعشت كثير مع الطّبيعة هناك. كان في كثير، يعني، بتدكر منيح إتو كان في هيك جبل صخريّ، بقلبه في حفر، فإتو... كان واحدة من الحفر هيّي بيتي، مثلاً لأمّ نلعب بيت بيوت وكذا، دايماً هيّي بيتي، وهيّي شي كثير بيخوف، يعني هلق، بهالعمر، إذا بروح أنا ممكن بخاف فوت لهنالك، لأنّوا، هيّي هيك، [تبتسم] بتطلّ عمحلّ كثير... سهل، وأنا فوق عالجبيل، فهاذ البيت بحسّ حالي كثير بتدكره، مثلاً هلق نحنا ببيت... يعني، أهلي بنوه بحبّ، وحقّوا كثير طاقتهم وكذا فيه، بسّ ما، ما بيعني كثير، وما عندي فك--، ما--، يعني، ما عشت معه كثير تفاصيل. ليش بحبّ الضيّعة وذكرياتا أكثر؟ لأنّوا ستيّ، ستيّ هيّي أكثر حدا

اليوم بحسب إني أتر بحياتي، وبحبوا كثير، يعني، و، وبشوفه هاد الحدا يلي ب--بس إكبر بدّي كون بشبهها، بس بالمحلّ اللي أنا هلق، يعني، بفكر فيه وعاشته.

م.ن.: ليش، ليش بتحسّي... أكثر شي أثرت فيكي؟

س.ج.: [00:10:03] ستي كمان، ما بتشبه كثير... ممم... الواقع، يعني ستي عاشت واقع، ما قدرت كثير تتمرّد، ما قدرت، ما قدرت كثير تعمل قصص، [زمر سياره]، بس بمحلات، عملت ممم... يعتبرها نسويّة يعني، نسويّة بالفطرة، لأنوا عملت رذات فعل، وعملت مقاومة على قصص وإشياء خصوصي مع جدّي، ب، بالضّيعة، بكذا، ما بتشبه لا بيتتها ولا تربيتها ولا شي، وكنا كثير نقعد نقضي وقت نحكي، يعني أنا غرامي قضّي وقت مع ستي بالتفاصيل، بتذكر كثير منيح لّمّا، مثلاً كنا نقعد، هيّي تحني [من حنة] إيديها وشعرها

م.ن.: كيف يعني؟

س.ج.: [00:10:48] في حنا، نحننا عنا حنة بيعجنوها، والخايرة مثلاً بيعجنوا يحنوا إيديهم وإجريهم، لأنوا بيعتبروا إني هيّي شي منيح يعني

م.ن.: مثل creme؟

س.ج.: [00:10:59] لأ، مشّ creme، هيّي أكثر، شي بيدبغ، يعني بيصير لونه أحمر، عرفتي؟ إني مثل tattoo مثلاً، بس إني هو بيضلّ لأسبوعين ثلاثة وبيروح، غرامي إقعد، لهلق ريحة--، بس إحكي عالحنة وسّي، كثير بتذكر ريحتها عفكرة

م.ن.: كيف ريحتها؟

س.ج.: [00:11:12] ممم، في إلهها ريحة كثير قويّة، بتشبه الأرض، لأنوا هيّي نبتة، هيّي نبتة خضراء، يعني، بينشّفوها، وبيعجنوها، بس يحطّوها ب--ن بتعطي لون، يعني في منها أحمر، في منها أسود، فهنيّ زمان بالcountries [؟؟؟] غير واضح [؟؟؟] قبل ما يعرفوا كلّ هي القصص الجديدة، كانوا يعملوا صبغة حنة، بتخبّي الشيب، وهيك. فت، ستي كان دائماً عندها هيّ الإشيّا [صوت عصافير]، بس تقعد تعجن حنة، كذا، فإقعد حدّها، ممم، حبّ كثير إسمعلها قصصها، ممم، كانت تحكي كثير عن قصصها هيّي وجدّي، و... صوتها كثير حلو يعني، أنا لهلق عندي تسجيلات لسّي، بيقولوا كثير بشبهها كمان، وأكثر شي--

م.ن.: ما بتتذكري؟

س.ج.: [00:11:52] بتذكر شو؟

م.ن.: إذا كنتي تشبهها أو لا؟

س.ج.: [00:11:56] إيه، قصدك إذا كنت إشبها وهيّي صغيرة؟

م.ن.: لأ، قصدي، بتتذكريها، بتتذكري هيك، شكلها، وهيك؟

س.ج.: [00:12:02] إيه، إيه، ستي هيّ لهلق موجودة، إني إيه، لأ، أك--، إنا يعني ما بعرف، هلق ستي بالنسبة إلي، شايفتها كبيرة، عرفتي؟، إني... بس... دائماً، كثير عبالّي شوفها وهيّي صغيرة، فحبّ إتحايل إني هيّي بتشبهني، يعني إني أنا بشبهها وهيّي صغيرة، هيك بتخيلها. أكثر شي أثرت فيّي مع ستي عابنوا نضلّ نقعد ونحكي وهيك، ممم... من فترة بسّ، مش من زمان، قديّه عمرها ستي هلق؟ شي 86-87 سنة، أول مرّة بتعترف ستي إني هيّي كانت بتحبّ شخص، وكيف ساقبت إني القصّة، فات عمي عم بيقول إني كذا كذا، نسيّت شو إسمه، مات. قام ستي شهقت، شه--، شهقت وحطّت إيدها عقليها، فأنا إني... تطلّعنا هيك

كلنا إئو "شو بكي ستي؟" فاعترفنا إئو هاذ اللي كانت تحبوا، وكانوا كثير يلتقوا عالنبعة، وكان يفلها دايماً أنا ما بدّي إترّوج غيرك، وكذا، بس... س--، مثل كلّ شي بالضبع، وجوّ زمان، جبروها تترّوج جدّي، وكذا، فأنا كان بالنسبة إلي إئو "أوووف، ستي"، إئو هلق فهمت كثير قصص كانت تخبرني ياها عن جدّي، فهمت من وين جاية

م.ن.: إشيا إئو...؟

س.ج.: [00:13:15] إشيا إئو هبي أوكيه، مثلاً كانت تقلي إئو أنا بعج ما تج--، ما ترّوجنا، إئو "أنا بحترمه، إئو خلص، هو زوجي" [صوت سيارة]، بس... قلها يعني إئو بتحبييه؟، تقلي إئو "إيه، يعني... إيه، ما خلص تعودنا عبعض"، عرفتي؟، ف... كنت دايماً إسأل حالي ليه هالقد؟، وكنت ما حسّ الطاقة كثير زابطة بينهم وهيك، فبعدين قدرت، وأنا كنت دايماً بنكشها لسّتي، وبحبّ تخبرني خبار، وتقول قصص، وهيك، وتغّي، مثلاً... فايه

م.ن.: يعني هي كمان كانت، عرفتك عالموسيقى، والألوان الموسيقية، وكمان لأنّوا بتحّب تغّي؟ [أصوات سيّارات]

س.ج.: [00:13:49] هلق، يعني ستي، إئو، مشّ حدا دارس موسيقى، فما فيّي قول عرفّنتي عالألوان الموسيقى وهيك، بسّ ستي مثل الطّاقة اللي إنفتح، عرفتي؟ إئو مثلاً بتغّي، فأنا إحفظ معها، وكمان هبي علّمت--، يعني، عمامي وكلّهن تعلّموا من ستي، ف...، ومامي التّانيين كمان، في منهن كانوا مثلاً بيصنعوا [؟؟؟الشباب؟؟؟]، النّاي، هني بيعملوه من القصب وكذا، ويجربوا وإشيا وهيك

م.ن.: بي، شو حلّو!

س.ج.: [00:14:14] هبي تفاصيل يعني على قدّهن، عرفتي؟، إئو البيبة علّمتهن، مشّ ك--، مشّ إئو هني موسيقية، بسّ إئو هني مثل ال--، هاي الطّاقة الصّغيرة اللي هيك فتحت، تفت عال--، تترك فيّي محلّ يحبّ بنبشّ عها لإشيا ويبعدّ فيها أكثر

م.ن.: وأهلك كانوا يحبّوا الموسيقى أو مشّ كثير؟

س.ج.: [00:14:32] كثير أهلي بيحبّوا الموسيقى، يعني بيّي كان حلم حياته إئو يتعلّم عود، وبقي، فمشان هيك أنا هلق قرّرت إئو إتعلّم عود، ومع، يعني مع المغني، لأنّوا قدّ ما كان بيّي دايماً بيحبّ هالشّي

م.ن.: [؟؟؟غير واضح؟؟؟]

س.ج.: [00:14:44] إيه

م.ن.: شو حلّو! وإمك كمان كثير بتحّب الموسيقى؟

س.ج.: [00:14:49] ماما كمان كثير بتحّب الموسيقى، يعني أنا ربيت أصلاً بجوّ كثير بيسمعوا موسيقى، وحتّى نمط الموسيقى اللي بيسمعوها، أثر عليّ بدراستي، وبوين رحت بعدين، وكلّ شي، ممم... كان كلّ الوقت نسمع، يعني، عيد الوهاب، في هيديك المرّة كنا ماشيين راجعين من البحر أنا ورفيقتي، عمّ نقلّب بالراديو، وأنا من وقت للتاني بحبّ، عندي nostalgia إئو إسمع الرّاديو، تشوف هني شو عم يجبروني إسمع، مشّ أنا عم إختار شي وحطّوا بالسيارة، ف... إجت أغنية، ل... نسيت إسمه، ممم... [أصوات من المدينة]، تماماً راحت عن بالي، بسّ إجت أغنية، وأنا كان بتذكّر إئو سامعتها بطفولتي [صوت زقزقة عصافير] من ورا بيّي، عقّد ما بيحبّها هي الأغنية، وبت--، ما فيكي تتخابلي إئو أنا ولا مرّة حطّيتها وسمعتها، أو قرّرت إئو أنا إحفظ هاذ الشّي، ممم... مشّ متذكّرة منها إلا مقطع، [تغّي] "إنت كلّ [؟؟؟غير واضح؟؟؟] تمشي، وأنا أسهر ما نمش، يلي ما بتسهرش ليلة يا حبيبي"، فدغري هيك، كثير، أنا قدّيه إئو هي مشّ سامعتها، تذكّرتها من بيّي، عقّد ما كان يحبّها، ويسمعها دايماً، و، وبلّشت غني! عني غني! بصوت عالي!، ورفيقتي تقلي "بي! ولا مرّة سامعتك عم تغّيها!"، قائلها لى، هي بابا كثير بيحبّها



م.ن.: ما بتتذكّرني اسم ال... المطربة؟

س.ج.: [00:16:21] ntsk، نجاة الصّغيرة، شفتي، بسّ ركزت شوي، نجاة الصّغيرة، إيه

م.ن.: بيبي بيحبها كمان

س.ج.: [00:16:28] [تبتسم]، إيه، في، في، هول الجّيل، ما بعرف يعني قديّه عمروا بيك، بسّ إئو هادّ الجّيل في عنده...  
فنانين معينين كانوا بوقتها كثير شي دارج، إيه، بيبي غرامه كان نجاة الصّغيرة

م.ن.: شو كانوا يعملوا أهلك؟

س.ج.: [00:16:42] مم، [تكح]، بيبي، يعني وإحنا صغار، كان ممم، بيشتغل بنقابة العمّال، بإتحاد عمّال وكذا، وماما بإتحاد  
لجان المرأة الفلسطينية، ف... إيه، يعني، كان أكثر هو عملهم سياسي-مجتمعي، و... وربينا، يعني أنا ربيت على هادّ الجوّ  
الكثير هيك، ف... سياسي-مجتمعي-مظاهرات، يعني أنا خلقت بمظاهرة أصلاً

م.ن.: عنجد؟

س.ج.: [00:17:11] إيه، الماما كانت حامل فيني ونزلت عمظاهرة، ما بعرف شو صرّلتها وقتها، عنجدّ دايماً بسألها "ماما شو  
كان خطرلك بهي اللحظة يعني؟"، وضربوا غتزر كثير كثير بمحلّ، وهني تخبّوا بمخزن، والمظاهرة كانت نسوية، فما  
كنش متوقّعين يتعاملوا معهن بعنف، فالإسرائيلية ضربوا كثير كثير غاز، تخبّوا بم... م...، تخبّوا بمكان، وإختنقوا، شموا كثير  
غاز، ماما ضلّت شي 3 شهور على ضهرها، معاش تتحرّك، وأنا جيت كمان بنقص أوكسيجين، وقصص، يعني

م.ن.: إنتي أيمتي خلقتي بعد هالمظاهرة؟

س.ج.: [00:17:45] ممم، خلقت بعد شهر ونصّ، هيك شي

م.ن.: أوكيه

س.ج.: [00:17:51] خلقت 7 شهور يعني

م.ن.: أوكيه، أوووف، ومعوّدة، يعني من إنتي وصغيرة تشوفي أهلك عمّ بيروحوا عمظواهرات وهيك؟

س.ج.: [00:17:58] إيه، إيه، يعني نحنا ربينا بهادّ الجوّ أصلاً

م.ن.: أوكيه، يعني كنتي تحسّيه شي كثير عادي، يعني كان part من حياتكن يعني؟

س.ج.: [00:18:06] إيه، مشان هيك بقلّك إئو ال...، الجوّ تبعنا كان كثير سياسي، يعني ربيت بهادّ المحلّ، بسّ بذات الوقت،  
هادّ الجوّ العام السّياسي، ال...، خبرتك بالأول، محلّ مسكّر تبعوا، هو كثير شي هيك إئو موسيقى، وغنى، وعمامي، ومزح،  
ولعب! كذا بتذكّر كثير منيح نلعب، نلعب ألعاب بالعيلة، يعني عمامي وكذا، نروح ونقعد نلعب ألعاب، إيه.

م.ن.: مثل شو؟

س.ج.: [00:18:30] [تضحك] كان في لعبة كثير بتضحك إسمها بعث رزك؟، ما بعرف إذا حت...، يعني حتفهموها هون  
بلبنان، لأنّوا هيبي شي كثير فلسطيني، إئو نحنا ب...، مثلاً أنا بسألوك بسّ بسرعة بسرعة، إئو، مثلاً، كذا كذا، بعث رزك؟، بنقلّي

إيه، لمين، لكذا كذا، وبتصير، بتصير بتأسرع بتأسرع، بتوصل لمحل اللي بيلخبط بدو يطلعوا عليه نقابيه، بتقولوها نقابيه؟

م.ن.: لا [تضحك]، يعني، يمكن، بس--

س.ج.: [00:18:53] يعني... يعني بدو يطلعوا عليه شي كتير بيضحك، مثل لقب بيضحك مثلاً "طنجرة كذا" أو هيك شي، شي كتير بيضحك، فبتصير إنت بدك تحفظ كلّ حدا شو نقابيته، وتكفي اللعبة، وتقول نقابيته، إذا طلعت غلط، بدو يسموك نقابيه بتضحك أكثر. كتير كتير كنا نقعد نضحك يعني.

م.ن.: بتتسلوا!

س.ج.: [00:19:12] إيه، كتير!

م.ن.: وكانت علاقتك مع أهلك... هيك بتحسي كنتوا قراب؟ كنتوا قراب على بعض؟

س.ج.: [00:19:19] [تأخذ نفس عميق] كنا قراب، بس بحسّ إئو... يعني أهلي جزء كبير من السياسة أخذهم شوي، يعني... ربيت أنا وإخواني كتير قراب، كتير كتير، زيادة عن اللازم، لدرجة إئو صار صعب بعدين يعني، ح-- كلّ حدا فينا ينفصل ويعمل شي، لأنوا أهلي ممم... كانوا بالسياسة كتير. بيي كان أغلب طفولتي أصلاً بالسجن، يعني... كان دايماً بالسجن، وكذا، بالحبس، السجن الإسرائيلي يعني. ف، إئو، إيه، يعني، في جانب كتير تأثر بعلاقتنا معهم إئو نكون هالفد... بس إمي كانت الحدا الأقرب لأنوا صار بابا بالسجن، فهي أغلب الوقت الحاضن لإلنا. أوقات بحسّ إئو هبي جبارة، جبارة، على قدّيش عملت مجهود مخيف، يعني كانت بتقوم بدور بيي ودورها، وعم تجرّب تربينا بهي ال... الطريقة المثالية اللي هبي بتشوفها، لأنوا ماما كانت بتشتغل ب... حضانة إسمها حضانة غسان كنفاني بفترة، وكان في عندها طرق تربوية، وألعاب، وقصص، كان كلّ الوقت بدها يانا نكون عابشين هاد... الطريقة التربوية اللي هبي بتشوفها، بس بذات الوقت في واقع كتير بشع، ضاغط عليها. إنك تكوني زوجة أسير بمجمعاتنا كمان شي كتير بشع، في ضغط مجتمعي، ف... بيصير الكلّ بدو يتدخل، بيصير الكلّ بدو يكون كمان بيربي و... وبيصير صعب، صعب المرأة كتير تصدّ، يعني لأنوا بتصير مثل، بزّ القطيع، فإئو تجرّبي تكوني مع القطيع بس بقناعاتك هو شي كتير صعب، فبحسّ ماما عملت جهد جبار لتقدر توازن يعني، بين كلّ هي التفاصيل، وهبي شو بتحبّ نحنا نكون، ف إيه، بطولتنا كنا كتير قراب. بابا لما كبرنا شويّ، وشويّ وقف ين-- وقفوا ياخذوا الإسرائيلية، رجعنا بنينا معوا علاقة، فلما كبرت، علاقتي مع بيي أكثر من إمي، بس بطولتي، علاقتي مع ماما أكثر، لأنو...

م.ن.: أوكيه، وشو عندك إخوة؟ ما سألتك.

س.ج.: [00:21:24] إيه، عندي أخي الكبير سامر، وبعدين أنا، وبعدين سمر، سامي، سماح، خمسة.

م.ن.: أوف، وكتير قراب عيبض، كلكن يعني؟

س.ج.: [00:21:34] بالعمر لأ، يعني نحنا بيئنا كلنا 4 سنين أو 3 سنين، بس بال... إيه، كتير كتير قراب عيبض، كتير.

م.ن.: أوكيه، بعدكن لهلق؟

س.ج.: [00:21:42] إيه

م.ن.: شو حلو، هني بلبنان ولا...

س.ج.: [00:21:45] [تضحك]، لأ، هني برامالله بفلسطين، [؟؟؟ غير واضح؟؟؟] خيي الكبير سامر تزوج هلق، هو كمان منتج موسيقي. في شي، في شي إكتسبناه من العيلة، يعني، أنا وإخواني. خيي سامر منتج موسيقي، وبيدقّ إيقاع، أنا رحلت للمغنى

والبحث الموسيقيّ وهيك، وسمر ما خصّها كثير، سمر بتحبّ إدارة وكذا وهيك، فراحت درست هيك شي، سماح--، سامي قبل سماح، سامي بصور سينما وهيك قصص، سماح... سماح بتشبهني، بسّ راحت للسياسة أكثر يعني، سماح بت-- ممم... بتدقّ كمنجا، تعلّمت كمنجا هيّ وصغيرة، إيه، بسّ... سماح كانت أسيرة، تمّ الإفراج عنها من 3 شهور، هيك شي، راحت للعمل السياسيّ أكثر بالجامعة، وكذا، أحياناً بتشتغل بأبحاث، وهيك قصص، علوم سياسيّة وإشيا

م.ن.: كلّكن يعني تقريباً أخذتوا من أهلكن

س.ج.: [00:22:39] كثير منسبه، كثير، كثير الجوّ العام أترّ علينا، عنجدّ أترّ بكل محل، يعني بال، بالجوّ الصّغير وال، والكبير. إيه.

م.ن.: سلوى، يعني إنتي قضيتي وقت بالمدرسة بكذا منطقة، يعني ما كنتي بمدرسة وحدة؟

س.ج.: [00:22:53] إيه، لأ، هادّ كثير أترّ عليّ

م.ن.: أوكيه، فيكي تخبريني عن تجربتك بالمدارس؟

س.ج.: [00:23:01] بمدرسة رامالله، اللّي بلّشت يعني حسّ فيها، إئو آه، خصوصي بالحضانة وبالمدرسة، بلّشت إيني هيّ العلاقة مع ال... مع الناس اللّي بعمر، بلّشت إيني هيّ العلاقة إئو حدا بيّفوت مدرسة، وكذا، واللّي هيّ، هيّ عنجدّ بتدكرها وبحبّها، لأتواو بعدين، كانت كلّ تجاربي مع المدارس هيّ معاناة، ممم... ب--، يعني كمّ سنة، وبعدين انتقلنا على، على الخليل، عالمدينة، بعدين سنة ونصّ، انتقلنا عالضّبعة، كان، كان المحيط هناك ما بحسّوا كثير بيّشبهني، خصوصي إئو ربيت بمدينة، وجيت على قرية، كنت كثير بعاني تفوت بالجوّ، بكلّ حديث، بكلّ شي، وكمان لإتوا، خبرتك بالأول إئو تربية أهلي كانت مختلفة، فبحسّ حالي إئو... يعني أنا عايشة ب--، مع أهلي بتطلّعات، وحديث، وإشيا، ما كثير بتشبه لما بروح عالمدرسة، لدرجة إئو ب...

[تمرّ قطة]

س.ج.: [00:24:04] حبيبي!

[تضحكان]

س.ج.: [00:24:05] شو حلوة!

م.ن.: عنجدّ

س.ج.: [00:24:07] هيّ بتعرفني بحبّ البسينات، أكيد، عشان هيك إجت، ممم... إيه، ف، وين كّنّا يا بيبي؟، إيه، لمّا، لمّا رحت على مدرسة الضّبعة، أنا كثير بحبّها، وعندي لهلق يعني رفقة، بسّ ما كتي-- آه  
م.ن.: [عن القطة] بدّها تضلّ معنا! [تضحك]

س.ج.: [00:24:31] ما كثير، يعني، بيّشبهوا، جزء من شخصيتي، بسّ ما بيّشبهوا شخصيتي كلّهم، ممم... [ntsk] يمكن أنا م--، ربيت بجوّ ما إلوا علاقة كثير بالدين، و...، مثلاً، لمّا كان عمري 11 سنة كنت قارية أغلب كتب غسان كنفاني، و، يعني، إيه، ماما وبابا كثير إشتغلوا علينا عهالقصّة، بسّ لمّا كنت روح عالمدرسة، كنت عمّ حالي... غير. يعني، عمّ حالي محلّ ثاني.

م.ن.: [عن القطة] عضّتي

س.ج.: [00:25:01] آه، بدّك شيلها؟

م.ن.: لا، لا، لا، it's okay، م عليه

س.ج.: [00:25:07] إيه، ف، هيك... هَي معاناتي مع المدارس، معاناتي مع مدرسة المدينة، مدرسة القرية، لدرجة إئو أوف! [ينقطع التسجيل]

م.ن.: إيه

س.ج.: [00:25:18] إيه، فأيه المدارس كانت، كمان، بتشبه كلّ الواقع، يعني اللي قلته بالأول، هَي اللي أنا مشّ بمحلّ معين وكذا. كنت لما بروح، عفكرة وأنا ز...، هلق، في شي تذكّر...، يعني، هيك، فكّرت فيه، وأنا طفلة، كنت بحسّ حالي بشبه جور برامالله أكثر، بالمدينة، كنت بنظر لروح بالصيف على راماالله وإرجع بسّ وقت المدرسة، لأتوا كنا مضطرين، شغل بيّي هناك، بسّ كبرت، عنجدّ حياتي إنقلبت تماماً، صار العكس، صار غرامي إنزل عالضّبعة، ممم، وإقعد عند سّتي، وعنجدّ كنت أنظر آخر الإسيوع تروح عالضّبعة عند سّتي، في شي كثير غريب، حسّبتوا انقلب بحياتي، قلب طفولتي و...، وقتها كبرت، صرت بالجامعة، [صوت زمور بالخلفية]، سّتي كثير بحبّ قضّي وقت معها، يعني مع العلم إئي أنا كنت عايشة بالضّبعة

م.ن.: كيف كنتي تقضي وقتك بالضّبعة، يعني، قلّتي بتروحي عند سّتك و هيك

س.ج.: [00:26:20] كثير قضّي وقت مع سّتي، وكانوا الكلّ يستغرب، إئو... يعني، إئو، كثير صغيرة، بسّ بتحبّ سّتها كثير، بتضلّها معها، أنا هي، بتعرفيها البنّت اللي بتضلّها وبين سّتها رايحة، مثلاً رايحة ععرس كذا، فأنا لاحقتها، بتغني كذا، سّتي عم تحطّ حنا، فأنا صرت حبّ الحنا، مثلاً أنا هلق بلبس كثير فضّة، لإتوا سّتي إيديها كلهن فضّة، [؟؟؟وبوند؟؟؟]، كان في عندها هَي الشّي اللي بتحطّه عراسها، كلوا فضّة، عرفتي؟ فبحسّ إيه، يعني، هَي أثرت كثير بحياتي. كيف كنت قضّي؟ كنت بقرا، يعني، كثير كان [صوت زمور سيارة بالخلفية]، ربيت ب، ب، بهيك مكتبة قدّ راسي، يعني... كثير كبيرة عالحيط، فإتوا، وكان إجباري نقرا، وكمان ال، الجوّ السّياسي اللي كنا عايشينه، بيجرنا كان، نحنا كنا كلّ إسيوع منروح على نقاش قصّة، أو رواية، كتاب، شي هيك، يكون في شي لكلّ عمر، ممم... كنا كثير بنه...، يعني، هَي قعدات الموسيقى، وكذا، وهيك... كنت كثير بقضي وقت بالطبيعة، كثير، خصوصاً بالرّبيع، بتذكّر يعني، ما، ما نقعدش بالبيت، وماما تقعد تنهار، إئو لأ، مشّ هيك، مشّ هاد الشكل اللي بحب شوف ولادي فيه [تضحك]. ف، إيه.

م.ن.: كيف، كيف الطّبيعة هونيك، مطرح ما كنتي تقضي وقت؟ بتذكّري؟

س.ج.: [00:27:34] كثير بتشبه الجنوب، كثير بطريقة مخيفة، جنوب لبنان يعني، ممم... هَي كمان عفكرة الجنوب، يعني، الخليل ب، بجنوب الصّنّة الغربيّة، كان نحنا منطقتنا كثير مشهورة بال، بالعنب، بيزرعوا كثير عنب، فعنا كروم مخيفة يعني، ف، فكنا دايماً، وعنا أراضي كثير هناك، عنب، وكذا، وزيتون، فإتوا، نقضّبيها تحت كروم العنب، والكذا، والتّين، وأوف، يعني، أنا علاقتي مع الشجر والأرض وهيك كثير قويّة من ورا هاد ال، من ورا هاد الطّفولة اللي عشتها ب، بالضّبعة

م.ن.: سلوى، فيكي تخبرينا عن اللّون الموسيقيّ الإنّتي بتغنيه وبتعزفيه وكيف تعرّفتي عليه، وشو حبيّتي فيه؟

س.ج.: [00:28:20] مم، هلق أنا عفكرة، لما خلّصت مدرستي وهيك... كان في صراع بين إئو لأ، بدك تبقي بالخليل وتكفي دراستك بالخليل، ولأ بدك تروحي عرامالله، وأنا كنت بهالمرحلة متمرّدة واللي لأ، كلّ الخيارات قدامي، العالم إئو "لأ، ابقي هون، ليه تروحي؟ خليكي كثير جور لطيف، و..."، وأنا، هاد الإصرار، إئو لأ، أنا بدّي إرجع عرامالله، ف، عملت المستحيل، وكنت ك...، أنا يعني مشّ كنت، لا زلت، أنا كثير حدا عنيد، فأنا متعب بالحياة، كثير، ما، لأيّ شخص، يعني، كثير كثير عنيد، و، وأهلي عاطبيّتي هي المساحة، يعني ولا مرّة، ولا مرّة بتذكّر بابا

[رجل يتطفّل: هاي، كيفن يا حلوبن، كيفك]

[ينقطع التسجيل]

س.ج.: [00:29:08] إيه، ف... اللي صار إئو، خلص عئدت إئو بدّي، بدّي روح لرامالله، وسبقي، أصلاً خيّي كان سابقتي كمان عم يتعلّم ببيرزيت، و... ف، فخلص، قرّروا أهلي إئو كلنا رح نرجع عرامالله، كان هاد الشّي كثير، حسبتّه عظيم، ف، رحت أنا أوّل فترة، تعرّفت عالجامعة وكذا وهيك، ومن بعدها أهلي رجعوا لحقوني عرامالله، ورجعنا عشنا برامالله، [ntsk]، واللي هو كان خيار كمان عند أهلي كثير، يعني، فيه تردّد، بس هلّق مثل حسمو إئو خلص، فينا نروح كلنا، لأنّوا إئو سلوى... سامر هناك، سلوى هناك، فواضح إئو كلهم حيرجعوا ي، يقرّروا يرجعوا عالمدينة. ممم، أنا صراحة البداية ما رحت موسيقي، رحت صحافة وإعلام، لأنّوا لمّا رحت إتعلّم موسيقي، ما لقيت عتّا إلا تربية موسيقية، ومشّ هاد الشّي اللي كان بدّي ياه، فقلت أوكيه، خلص، سلوى رواق، منضّل نتعلّم موسيقي بمعهد إدوارد سعيد، وبروح لط--، منشغل صحافة وعلوم سياسيّة، وهاد كانت دراستي الأولى، ممم... إشتغلّت فيها كم سنة، وكان جوّ لطيف، بسّ ما كانش كثير بيشبهني صراحة، أو... أو بيشبهني يزاوية، مشّ بزوايا ثانية، [تبتسم]، بعدين... بعدين صلّ براسي فكرة إئو أنا بدّي إتعلّم موسيقي، وما-- ما خبّرت حدا، خلص أنا هلّق حدا صار عندي شغل، و، وهالفدّ إستقرار، وسيّارة، وعملت شي كثير مجنون، إشيأ ثانية يعني، و... وخلص أنا هلّق هاد الشخص اللي هلّق إستقرّ بحياته، وكذا، وبلّشت أنا فتش على منح وقصص خصّها بالموسيقي. تأثير أهلي على، على سمعي، يعني بالموسيقي إئو إسمع عبدالوهاب وأم كلثوم وقصص زيّ هيك، خلاني إتوجّه لمحلّ، لون معيّن من الموسيقي، اللي هو الموسيقي العربيّة، أنا كنت بمعهد إدوارد سعيد عم يتعلّم كمان بزق، و... وموسيقي، ومقامات وهيك، [صوت القطة] أوكيه... sorry كثير، بسّ واضح إئو هتيّ حابة تبقى بالمقابلة معنا، ببسي... إيه، ف، ممم... بلّشت فتش على فرص وكذا، أوّل شي طلع بوجي هو فرنسا، بسّ إئو كنت خروح على لون مختلف تماماً. لحتّي ما أظلم حالي، ممم... رحت عملت مثل ورشة عمل بالموسيقي الكلاسيكيّة الغربيّة، عملتها بفرنسا، وقعدت هناك شي 4 شهور، وحسّيت إئو شي أبداً ما بيشبهني، يعني ما بيشبه شخصيتي ولا بشي [تصقّق بيدها مرّة واحدة]، فرجعت بلّشت نبش. كان كثير صعب إئو لاقني محلّ إدرس فيه موسيقي، لأنّو-- عربيّة، لأنّو أكثر اللي عم يطلعوا وياخدوا منح هنيّ عم يروحوا ليزا لأنّو هو ال--السهل المتوفّر لإلهم وللمنح ولكلّ شي، بسّ إئو أنا بدّي روح لتونس أو لبنان، إئو أوفف، مين بدو يعطيني منحة لهيك شي؟ أوّل شي قدّمت عتونس، وإكتشفت إئو المشكلة، إئو نحنا الطلاب الفلسطينيّة ما فينا نطلع إلا من خلال وزارة الثقافة الفلسطينيّة، وفي قصص صارت وكذا إئو عمري كبير وما بعرف شو، والأجدر إئو يروحوا اللي عمرهن 17 سنة دغري يعني يتعلّموا موسيقي وهيك، [أخذت نفس عميق]. ممم... فأيه، استثنيت تونس عن القائمة، وخلص بلّشت شوي شوي هيك، طاقتي عم تنزل، لحدّ ما إجت فكرة إئو لبنان، شفت بالجامعات إئو في لبنان، بسّ للأسف إئو ما كانش في ولا منح، ولا--، أصلاً كان صعب أنا كفلسطينيّة إجي علبنان، هاد كان الشّي الأصعب. بعدين، ضلّيت ضلّيت عم جربّ للقيت صديق قلّي إئو فينا تقدّم من خلال، مثلاً تروحي تعلمي ورشة عمل، و... وهيك بتجيبني مثلاً تصريح دخول 15 يوم [صوت ناس يتكلمون بالخلفية]، من بعدها، بهاد الوقت، بتكوني شفتي إنتي جامعات، ويمكن ما تحبي، يمكن ما تحسيّ الجوّ مناسب، وهيك صار، أنا قدّمت أساس إئو أنا جاية هون، ممم، جايه ورشة عمل، جيت وبلّشت بورشة العمل وكذا، وبنفس التوقيت، كنت عم بنزل بشوف الجامعات، ممم... نزلت شفت الجامعات، إكتشفت إئو أنا إذا ضهرت من لبنان، بعشّ فيي إرجع، لأنّو الجامعة ما فيها تعلمي طلب، زيّ كيف عملولي ورشة العمل، ومثل حسّيت إئو هيّ الفرصة اللي زبطت معي، فصرت خايفة إئو م--معشّ ترجع تربط مرّة ثانية، إئو فوت لبنان، فدغري تسجّلت بالجامعة، وعفكرة، المنحة، يعني أنا كنت مقدّمة على كثير منح إئو أنا رايحة شوف هاد الشّي وكذا، المنحة زبطت معي وأنا بالمطار بعمان، يعني أنا بالمطار بيوصلني email إئو في حدا، رجل أعمال سوري ب... بأميركا، هو ما بيعرفك شخصياً بسّ قري شو إنتي كتبتني وشو عم تجرّبي تقدّمي، وهو مستعدّ ي--، يدعمك بال--، بالجامعة، وفعلاً، فكان هيدا الشّي هيك بداية إئو أوفف، وهي الأمور كلّها ما كان بعد، أهلي ما بيعرفوا بالتفاصيل، ما شي يعني، أنا قدّمت أهلي عالطولة، بتذكّر العشا، وخبّرتهن إئو أنا

[00:34:12] طالعة لشوف جامعات بلبنان، إيه، فجيت لهون، تسجّلت بالجامعة، شفت بالأطونيّة تخصصّ الموسيقي الشّرقية، musicology، وإتصلت أهلي تليفون وخبّرتهن إئو أنا تسجّلت، في عندي مشكلة صغيرة، [الأهل:] "أها، شو في؟"، قلّتهن إئو من هون لأخذ وراق الجامعة وقدّم عالإقامة، ما فيي إطلع من لبنان، قالولي "أوكيه، إئو الموضوع شهر، كذا، ما بياثر"، بقيت، وقدّمت، وهون بلّشت التفاصيل ال... صعبة ببداية لمّا جيت لهون، إئو... كنت كثير مبسّطة إئو أنا عم بلّش شي كثير بحبه، موسيقي، يعني ع--، بلّشت أخذ صفوف بالجامعة، وكان بالنسبة إليّ مثل--، ما فيي خبرك، هذيك أسعد، يعني، أسعد لحظات حياتي، أحلى شي بالحياة إئو تكوني إنتي بدك شي، وتوصليله، بسّ تكوني خ--، يعني، خلصتني كلّ المرحلة، يعني أنا مرحلة الجامعة خلصتها، والإنبهار بالجامعة والأساتذة، و... هيّ كنت خلصتها أصلاً، لمّا درست صحافة وإعلام برامالله، بسّ أنا كان عندي، إنبهار وهيك شي، من محلّ مختلف، إئو أنا عم بلّش بشي كثير بحبه وبدّي ياه، عم بلّش إدرس موسيقي. ممم... لدرجة إنغرمت بأساتذتي، بـم--، بدك--، يعني بأيّ حدا عم بيعلمني شي، كنت كثير مغرومة فيه، بالجوّ، بالعالم هون، مثل هيك، مثل حدا عطشان وكثير عم يرتوي، عم يرتوي. قدّمت وراقي للأمن العام، وهيك، وإنرفضت... كان هيّ أوّل مطبّ بلبنان، هيك، هو أوّل إنهبهار لإلي، إنرفضت كوني فلسطينيّة وكذا، وراقي... وأنا كنت مبلّشة بالجامعة، فبلّشت إئو، مثل حدا إئو هيك

حطّ الشّي بتمّه وبعدين إتو هلق بدو بيزقه، لأ، ما--، إتو، وشخصيتي إتو هيّي اللي قرّرت إتو لأ، هيدا الشّي ما حا قبل فيه [صوت رجل يتكلّم بالخلفية]... ف... رجعت [تضحك]، قدّمت شي، ضلّيتني عم شوف مع، مع محامين، شو الحلّ وكذا، بتخيّل إتو أيّ حدا من رفقاتي بيعرفني بهيدك الم--، المرحلة، بيعرف قديش إتو، كم نضال، يعني، كان شي مثل إتو لأ، ما بدّي إقبل بهالشّي، ما حيصير... ف، شفت محاميّة، وقدّمتا شي إسمه طلب إسترحام، للأمن العام، واللي هو بياخد، أخذوا 6 شهور ليردّوا عليّ، 6 شهر، ب6 شهور كنت مخلصّة أنا، يعني، حخلصّ سنة جامعيّة، عرفتي؟، قرّبت خالصها. بسّ المعضلة اللي كانت إتو أهلي مثل حسّوا بمحلّ إتو أنا فرضت عليهم الواقع، يعني أنا طلعت شوف جامعات وإرجع بعد إسبوعين-ثلاثة، فعلياً أنا قعدت 7 شهور، فكان، مثل أول مطبّ، يعني تفهّموا كثير، بسّ كمان هو الشّي يعرف إتو كان واقع عليهم صعب، والأصعب كان إتو أنا كنت مخطوبة، [تأخذ نفس عميق]، ف... كمان هاد الشّي خلق كثير توتر ومشاكل، إتو مع، مع شريكي، مع إتو كان هو على- شريكي السابق يعني- مع إتو هو كان على دراية بكلّ التفاصيل، وكلّ شي بيصير، وهيك. ف... إيه، بطلّ كلّ هي الخصاصات، عنجدّ كنت يستمتع كثير إتو أنا عم بتعلّم موسيقى، هاد أغرب شي. يعني أنا، قعدت 6 شهور ناطرة ردّ الأمن العام إذا هنيّ موافقين عليهم أو لأ، هو ممكن يجي إتو هنيّ مش موافقين، وأنا قلّ، ما كفيّ جامعتي، بسّ أنا كنت كلّ يوم عم بطلع عالجامعة، ما فيّ خبرك، يعني، سعادة مفرطة، وهيك طالعة عم برقص، عم برقص.

م.ن.: شو الأكثر شي، يعني، بتذكّرني كنتي مبسوطة فيه، بالجامعة، يعني، أكثر تجارب هيك مبسّطتي فيها؟

س.ج.: [00:37:49] أنا، لأتو ال--، ال--، السياسة وهيك، علّمتني كثير تاريخ، وإشيا... فقدرت لاقى المحلّ اللي بالموسيقى اللي بحبّه ب--، يعني، [ntsk]، القريب مئي، بشخصيتي بالتاريخ، وكذا. يعني، كان الإنيهار بالنسبة لإتو أنا أوذل مرّة بقرا التاريخ الموسيقيّ بهي الطريقة، هالقدّ، بطريقة يعني، مع مراجع، وشي كثير صحّ، ومعرفة، و، عرفتي؟، وإتو آه، عم بفهم بالبطبّ هاد التفصيل من وين جاي، ولية نحنا وصلنا لهون، وعم شوف إشيا من محلّ تاريخي، ال--، ال--، الجزئيّة التانية إتو أنا عم بتعلّم موسيقى جديدة، يعني أنا تعلّمت بإدوارد سعيد، وكذا، بسّ ما... التجارب هون مختلفة، و، والأنماط، والإكتشاف، وكلّ شي مختلف يعني، وأنا عم كون طالبة جامعة، مشّ هي الموس--، مشّ هي ال--، النصّ ساعة اللي بتروحي تتعلّمها بالأسبوع بمعهد موسيقيّ هيك، يعني، هواية، يعني، تسلية، لأ، أنا هلق عم كون موسيقيّة، يعني... فنت على جوّ، يعني مثلاً، بتذكّر إتو كان في صفوف بالفرنسي، وأنا إقعد بسّ... إطلب من رفقاتي يلي ب--، ب--، بيعرفوا فرنسي، يقعدوا يترجمولي شو عم بيقولوا، أطلب من الدكتور إتو أنا رح--، بسّ، بسّ إكتبلي تحت الفرنسي بال--، بالعربي السّؤال وقتها الإمتحان، تحتي إقدر جاوبك، يعني هالقدّ. ف... كان في كثير نضال كلّ الوقت، بحسّ كثير حياتي يعني هيك. يعني كلّ الوقت، ممم، كثير بتعب للاقى الشّي، بسّ كثير يستمتع، كثير، يعني عندي، عندي هيك... بتعب لأتو دايماً بحسّ حالي بروح للإشيا الصّعبة [صوت سيّارات]، يعني إتو فلسطينيّة إجي علينا، أصلاً في كلّ هاد ال--، التفاصيل، وال... بشعة، واللي أوقات لا إنسانيّة، مشّ بسّ الفلسطيني والسوري، أيّ كان، يعني، بسّ خصوصاً نحنا الفلسطينيّة هون، يعني أصلاً هنيّ، هاد الشّي بتحسّيه مع الفلسطينيّة الموجودين هون، فكمان الفلسطينيّة جاييننا من بزّاء، إتو ليه؟، [تبتسم]، إيه، كان في كثير، حتّى بالجامعة، كنت حسّ بمحلات يعنصرية، بكذا، بسّ لإتو أنا أصلاً براسي جاي أتعلّم موسيقى، كنت بحسّ كثير قاردا أتخطّي أمور، أو مشّ أتخطّاه، يعني قرّرت إتو أتخطّي، خلص، هالشّي مشّ مهمّ، هاد الشّي أهمّ اللي عم بعمله.

م.ن.: واجهتي، يعني، عنصريّة بالجامعة، إنت، الجوّ، عنجدّ؟

س.ج.: [00:40:08] كثير كثير، يعني، مرّة أنا ورفيقتي كنّا عم ننحت، ننحت [؟؟؟ غير واضح؟؟؟]، كنّا عم نقول إتو لازم أعمل دفتر، أكتب فيه يعني، كلّ الموا--، بلّشت يعني، [صوت أحد يتكلّم بالخلفية]، كنت عم بكتب كلّ المواقف العنصريّة اللي تعرّضتلها بالجامعة، كثير مشّ شوي، كثير

م.ن.: من الأساتذة، أو من التلاميذ؟

س.ج.: [00:40:24] ممم... من الأساتذة يمكن من حدا أو تنتين، بكلّ السنين التعلّم، يعني بالأنطونيّة، بسّ من التلاميذ كثير، إيه، بتعرفي إتو إنتي جاية يعني مثلاً، واحد من المواقف اللي كثير مضحكة، كانت نجى صبيّة ثقلي "بتعرفي سلوى، إتو إنتي والله مهزومة مع إنك فلسطينيّة"، فأنا بصير هيك، ضلّني، خبّرنا، إتو ما يعرف إذا بحطّها بالخانة الإيجابية أو السلبية، بسّ إتو، أوكيه. مثلاً، بشوف كثير مواقف من هيك. مثلاً، مرّات، في دكتور كان [تضحك]، هو أبونا، كثير كثير صعب، فأنا دايماً بسّ فوت عالصّف يكونوا كثير بيحكوا فرنسي، إحكي معهن، مثلاً مع الدكاترة إتو please، فينا نحكي عربي، أو...

إنكليزي بالصفت؟، ... لأنني أنا ما بفهم فرنسي، في مرة من المرات بالصفت قدام كل التلاميذ، بس بلس بشرح فكرة، وهيتي كثير مهمة، شي بصلب يعني موضوع الموسيقى، فقلنا دكتور sorry مش عم بفهم، فكتير عصب علي مثلاً، قلتي أوف، إني خلص، شو بدّها، ما صرلك سنة سلوى هون، تعلمي فرنسي، إني قال هيك، بس موسيقى عربية يعني. كان في قصص من هالنوع، كثير بتذكر مواقف كثير بتضحك. بس هلق كثير بضحك عليها، بوقتها، كانت بتخليني فكر نهارين مثلاً، أو هيك. هلق خلص، معش بتقطع كثير... برينيم [rhythm] أسرع يعني.

م.ن.: بتحسي إني التجارب المفرحة كانت أكثر من التجارب اللي بتحزن ب، بالجامعة يعني؟

س.ج.: [00:41:50] لأنني أنا كنت كثير عم بتطلع عالمحلّ اللي جاي، يعني بتعرفي لما تجي من بلد لبلد، وتعيشي تجربة جديدة، وتجربة لبنان كانت كثير قاسية، كثير قاسية وليسا يعني. ممم، أنا مثلاً ممنوع اشتغل هون، فلسطينية هون، بس كنت عم بضطرّ اشتغل لأنني بدتي عيش، يعني بدتي، بدتي... لأنني أنا عم باخد منحة دراسة بس ما أنا في عندي أجار بيت، وكذا، وهيك. ولأنني أنا كمان كنت رافضة تماماً إني بنت، براسي، إني أهلي، خلص قطعوا معي هي المرحلة، علموني، دفعوا علي بالجامعة، كذا، عملوا كلّ هي القصص، مع العلم إني أنا وحتى برامالله، بلشت بسنة تانية اشتغل، لحتى ما إبت--، أهلي ما يدفعوا عني ولا شي، يعني أنا من وعمرى--، أنا فعلياً وسنة تانية جامعة، ممم... أنا، أنا بصرف عحالي، وهو قرار مني يعني. إيه، ف، ف، فكان هاذ الهاجس تبقي دائماً، إني أنا بدتي كون مستقلة، أنا بدتي أعمل هي القصص، أنا... أنا... كانت تجربتي بلبنان كتير صعبة، إني في، يعني، كثير كثير صعبة، أنا ط--، أنا، أنا بحسّ أوقات إني بس إتطلع عالمراي، أنا تغيرت، يعني بحسّ بتطلع عددا ما بيشبهني، عقد ما تعبت، وتنقلت كمان حتى بلبنان بكثير بيوت، لأسباب مختلفة، ف، إيه.

م.ن.: فيكي تخبريني شوي عن هالتجارب، ولأ ما بتحبي يمكن تحكي عن هالاشيا؟

س.ج.: [00:43:17] ممم... لأ، مش ما بحب، بس مثلاً، بتجربتي ببيني الأول بفرن الشباك، مثلاً تقابلت أنا وصاحبة البيت عتصيل كثير سخي، يعني، خصه بدفع الأجار وهيك، إني أنا كنت كلّ شهر عم بدفع كثير زيادة، مع العلم إني أنا ماخدة الستوديو خلص مجهز أنا بدفع بس هالقد، مرة ما بعرف شو كذا، مرة نزلت صلحت كذا، فصرت عم حسّ حالي كثير... فرحت، حكيت معها، وهيتي كانت حداً كثير هيك [؟؟؟شي فظ/ جفص؟؟؟] يعني، ف... وأنا عم بحكيها بكلّ رواق، فقلتلي "سلوى، إني عشو عم تنقي؟ أنا ما بكفي إني إنتي جاي من فلسطين وأنا قويتك بالبيت؟" هيدا الشئ كثير بشع، وصلنا لمحلّ إني أنا أول مرة أصلاً، يعني بستشرس على هيك جملة، وببلس إني بحكيها بلهجة إني ما من حقك إني أنا عايشة بهاذ البيت عم بدفع إيجار، إني... عم بدفع زيادة على شي مش محرز أبداً، وكثير تفاصيل، فوصلنا لمحلّ إني فقلتلي "هلّق بتقلّي من البيت" وكانت بتعرف إني أنا بروح على الشغل، فقلت "إذا ما فليتني هلق، أنا رايحة خبّر عنك الأمن العام"... ف... إني... قديّه، قديّه ب--، يعني، أول شي قديّه سبب سخي إني نوصل لهاذ المحلّ، ثاني شي يعني، إيه، هالقد كمّ الأذى، وهالقد [؟؟؟غير واضح؟؟؟] نقاط الضعف اللي، إنتي مش نقاط ضعفك إنتي، نقاط ضعف العالم اللا-إنساني اللي إنتي عايشة فيه، هني ببيلشوا يستخدموه بهالطريقة الكثير سيئة. فايه، اضطريت إني عنجد لملم أغراضي وإنزل بذات الليلة يعني. وهيك، وعشت تجارب كثير بشعة، ورجعت ببيت ثاني، ورجعت--، يعني بس إني إجمالاً [زمرور سيارة]، وأنا من الأشخاص اللي بيحبوا يخلقوا المكان بشبههم، يعني مثلاً هلق إذا بتجي عيبي، كثير بيشبهني، بس بالإمكانات، يعني مثلاً، رحت عند هول اللي بيعملوا الطليات وكذا، جربت أعمل قصص بحبّ أنا، بحبّ هاذ المساحة تبعتي، لأنني أنا عشت كثير بمساحات بتشبه بعض، فكلّ مرة بقرّر إني أخلق المساحة، برجع بحسّ إني أوف، بتتغير، وبيصير قصص، بس مش، يعني، هلق متصالحة مع الموضوع، مش أزمة حياتي، عرفتي؟، لأنني عم بعمل أشياء كثير بحبها، ووجودي المؤقت ب-- بوتري، يعني، دائماً بحسّ حالي مؤقتة بالبيت، مؤقتة بالبلد، مؤقتة بال... هلق أول مرة، أول سنة يعني، ما بقي بدتي حسّ حالي مؤقتة، بدتي روح عمحلّ إستقرّ فيه، ما بقي بدتي حسّ إني أنا هون وهون وهون، ما بقي بدتي حسّ حالي إني... لبنان، يفرض علينا نكون، يعني أنا بحبّ كثير لبنان، بس هلق خصوصي من بعد الانفجار وكثير قصص، حاسة إني... خلص ما بقي أمل 1% عيش هون. و، وأصلاً من قبل أنا عارفة إني ووجودي مؤقت، يعني لبنان رافضة الكون الفلسطيني بمخيمات اللجوء، فأكيد مش حاجي أنا من فلسطين لتتقلّني، ف، بحسّ إني تجربتي هلذت عم تخلص هون، تخلص مع... نهاية الماجستير تبقي وكذا، [تضحك]، بس، بس هيتي لبنان، يعني، تجربة، أهمّ تجربة بحياتي، لأنني فيها كثير إشي من إكتشافي لنفسي، لشو بحبّ، ل، م، إكتشافي ل... حالي كإمرأة، وكموسيقية، كنسوية، كلّ، كلّ التفاصيل، لأنني أنا بحسّ حالي مثل أنا عجنّت حالي هي لاعينة هون، بلبنان، فالها كثير مساحة قلبي، هيك، ولا مرة، ولا مرة حتكون إلا هالقد كبيرة وحبّ وهيك، بس فيها كتير عذاب، واللي هو كمان قواني بمحلّ، خلاني إتعمل مع إشي ولا

بحياتي كنت مفكرة إئو ح إنحطّ فيها، تفاصيل كثيرة رفقاتي ما بيعر فوها، وأهلي ما بيعر فوها، وكذا. بحبها، بحبها كثير، بحسّ إئو عجننتي.

م.ن.: كيف بتحسّي حالك إنك تغيرتي من... إئو كيف بتتذكّري حالك، وهلقّ؟

س.ج.: [ntsk:..] [00:47:18] ... [تأخذ نفس عميق]، ما إنتي لّمّا تكوني بمساحتك الأمانة يعني، بنكوني... مثل حدا مدّلع، مثل حدا عادي رايق يعني. مثلاً أنا برامالله، كيف بدّي--، كيف بدّي أوصفك ياها يعني؟، أقلّ التفاصيل برامالله مثلاً، إئو عايشة مع أهلي، أكثر شي شو، أكثر شي شو أكثر مثلاً هاجس ممكن يكون بحياتي؟ شو أكثر خوف؟ إئو عادي، إئو كثير إلو حلّ برامالله، إئو أنا بمساحتي، مع أهلي، بين إخواني، رفقاتي، حتّى المكان اللّي معودة عليه. بسّ إئو تتركي مساحتك الأمانة وتروحي على مساحة مجهولة، وت... وتخوضي هادّ ال، هادّ ال، هادّ ال... الظلام، يعني، اللّي مش مفهوم إئو إنتي رايحة عنور ولّاع وين، مخيف، وخصوصي مع شخصيّتي، لإئو أنا حداً ما ب--، يعني، خبرتك، ما كان يقبل إئو مثلاً ممكن إحكي مع أهلي قلّهن بعنولي مصاري، أو مثلاً... أنا هادّ الشدخص اللّي هالقدّ بدو يكون مستقلّ، واللّي هلقّ عنجدّ بدو يكون مستقلّ، واللّي يعتبر كلّ شي بالحياة هو نضال، إذا قرّروا براسه، أوقات إلو سلبياته، يعني إذا قرّرت هلقّ هيك، يعني بدو يصير هيك. واللّي لهلقّ عم بنجح ب90% من قراراتي يعني، بس بكتير كثير جهد، وكثير تعب، وكثير كذا... فأيه...

م.ن.: يعني إنتي هلقّ بتحسّي إئو وقتك بلبنان قرب يخلص، ما بتشوفي حالك بعدين بلبنان؟

س.ج.: [00:48:47] هلقّ... عنجدّ، عنجدّ، مش، مش حديث عاطفي، يعني، بس إئو كثير بحبها لهالبلد، ما فيكي تتخيلي قدّيه، كثير هيبي، يعني... كمان، في جزء كبير من خبصاتها يعني، هو يشبهني أنا، أو أنا يشبهها، بس إيه، بحسّ إئو خلص، يعني بعد الانفجار، واللّي عم بيصير، و... شي بشع بمعنى إئو هو الل--، الش--، الل-- إنسانيّة وصلت لمحلّها بكلّ العالم، بس بتصير تتفاوت بين أماكن وأماكن، وبحسّ إئو لبنان كثير بترفضني، يعني، هيبي، هيبي بقوانينها، بكلّ شي. يعني أنا لهلقّ [تضحك]، بشتغل بدون... أنا ما إلي حقّ إشتغل، تعيش. هي--، يعني، هادّ أقلّ حدّ، أنا عم خبّرك عن أقلّ حقّ، يعني أنا بسبب هادّ القانون، خسرت... أو إنطردت من شغلي تعسّفاً، إنبعثلي رسالة عالواتساب، نهار الأحد باللّيل، إئو ما تجي بكراتين، وهي الوقاحة صارت لإئو مش، ممم... لإئو ما في مساحة أمانة إلي هون، يعني، يعني أنا، و--، عفكرة، كمان هادّ بعج ما حكيت عنّ كثير، يعني أنا لّمّا إنطردت من شغلي، اللّي هو [؟؟؟قمار؟؟؟]، ممم... إنطردت بهي، بهادّ الطريق اللّ-- إنساني والبشع لأيّ موظّف، لإئي أنا فلسطينية، وعم بشتغل بمؤسسة لبنانيّة، بالثالي هنّي مغطيين علي، فحتّي بطريقة طردهم لإلي، تعسّفي، كان حتّي ب--، يعني، ما في سبب، هيك بس، إئو خلص ما بقاش فينا ندفع [تصقّق مرّة واحدة] هادّ الشّي وف--، بكراتين... واللّي هو إلو أسبابه اللّانيّة، أنا بعرف، يعني، بسّ إئو، لو أنا كنت مثلاً لبنانيّة مش--، بعرف إئو في لبنانيّة حقوقهم ضايعة، بس أكيد ما حيتصرّفوا معاي بهي الطريقة، ولا بيحقلهم، هنّي عارفين إئي أنا ما رح روح للأمن العام وإتشكي عليهم، ولا رح روح طالب حدا ب... يعني أنا إشتغلت معهم 4 سنين، 3 سنين ونصّ، و... بالطّبطّ هي الطريقة كانت مثلاً لطردني، وبدون تعويض، بدون إبلاغ مسبق، بدون أيّ شي، يعني أكثر شي كلف خاطرهم فيه إئو ممم... نحنا حنعطيكي الشّهر، هادّ الشّهر، وهو فعلياً كان، بتذكّر إنطردت أنا ب17 أو 18 الشّهر، يعني باقي إلسبعين ليخلص الشّهر، هالقدّ كان شي سخيف، فإئو... أنا ما في شي، يعني ما في شي يحميني هون، هون ال--ال--ال--القوانين، كلّ شي رافضني، عرفتي، فإئو، ما فيّي ضلني متمسّكة بمحلّ، مع إئو بحبه كثير، تخيلي قدّيه مآثر فيي، بحبه، بسّ إئو ما فيّي ضلني متمسّكة بمحلّ هو هالقدّ مسكّر علي، هو، هو، أصلاً بيقولوا إئو، ما--ب--ما--ما بدنا ياكّي هون، فإنا إذا رحنا لمحلّ تاني، أقلّه يكون عندي حقّ، يعني يكون عندي حقّ إذا صار معي أيّ شي بشع، إئو روح دافع عن حالي فيه، أنا هون، مثل حدا بيقطّعه إيديه وإجريه وكلّ شي، وبيقولوله عيش. مش عم بقلك مش عم بشتغل، أنا بشتغل ويعمل كثير إشي، ويعرف حالي، يعني، قادرة أعمل قصص، بالعكس كثير بحب، لو أنا قادرة أكثر يعني، لو عندي القوانين والإشي اللّي بتحميني، أنا قادرة كون أكثر... في عندي عطاء لإشي أكبر، بس في إشي كثير بضطرّ خبيها، كوني إئو أنا مش مسملي أعمل هالقصص.

م.ن.: سلوى، قلّتي إئو... إئو تحاربك بلبنان عنجوكي، وعملوكي... يعني أئوروا بالمرأة اللّي إنتي هلقّ، وأئوروا بالموسيقى تبعك، فيكي تخبريني شوي عن كيف أئوروا بهول الإشي؟

س.ج.: [00:52:22] لأ، بدّي خبّرك إئو حاسة كثير إئو، لّمّا بدكّ نهي خبريني إئو بدنا نهي.



م.ن.: لا، لا، لا، أنا بس بتطلع تشوف إذا ماشية الrecording

س.ج.: [00:52:27] [تضحك] تمام \_\_\_\_\_ ايه يعرف، بس قصدي أنا خايفة كون عم، عم...

م.ن.: [تضحك] لا، حكي قد ما بدك

س.ج.: [00:52:35] ما بدّي زيد عن الوقت المطلوب... ممم... عجنوني كامرأة، يعني أنا، أنا ربيت بيينة، قلناك م--مختلطة يعني، وخصوصي نحنا بعمر من فهم التحرّر، و... هي القصص، ويعني كلّ شي، من فهمه بطريقة... ممم... معيّنة. تجربتي إني عيش كامرأة ببلد تاني، فرضت عليّ كثير قصص إتعلّمها وإفهمها وبلّش ففكر فيها وحلّلها عن حالي أنا. لما جيت علبنان كنت مخطوبة، وعاشية مع شخص كنت بعرفه من وأنا عمري 18 سنة، وكان بالنسبة إليّ إني هي الحياة، وهذا الشكل السعيد، و... وهيك ال--، و--، وع العلم إني أنا كلّ الوقت باعتبار حالي إني متحرّرة وب--، لإني أنا جاي من، من هي الخلفية اللي ماما كثير مأكدة عليّ فيها. وبلّشت، بداية ما بلّشت بهاد الشّي، ففكر بسلوي، كأول مرّة، عنجد. كان دايماً وأنا برامالله وكلّ شي عشته، حسيت إني أنا كنت سلوي اللي يتشبه ال--، يتشبه طريقة التربية، يتشبه المفاهيم، العادات، كل شي إنزوع فيها من أهلها ومحيطها وهيك، فكننت أنا هي العجينة يعني، وما كان في شي معرّضني إني فكر أنا بح--، بسلوي، شو، شو بحبّ، شو بكره، شو بدّي، شو ما بدّي، شو... فكانت لبنان، لإني أنا لحالي، وبعيدة عن كل شي ال... المساحات، أنا اليوم بمواجهة كثير مع حالي، يعني قضيت كثير وقت مع حالي، ممم... بلّشت ززع و--، و-- [؟؟؟فلش؟؟؟] بفكرة علاقتي مع الشخص اللي أنا كنت معه، [ntsk] وبلّشت فكر ب... إني... أنا عنجد بحبه ولا ما بحبه؟، أنا بحبّ حالي ولا ما بحبّ حالي؟، وقتت كثير بهي الخبصة، فنتت تماماً يعني، شو بحبّ بحالي وشو ما بحبّ، شو بحبّ... ليش بدّي أعمل موسيقى وليش ما بدّي أعمل، وكلّ هي التفاصيل، وصلت فيها لدرجة إني... وصلت لمحلّ إني وأنا وهذا الشخص ما منسبه كثير بعض، و... ومش بس هاد السبب يعني، بس في كثير إشيا خلص، مس بمحلّها، فإني خلص إحنا ما، ما بقى بدنا نكون مع بعض، وكان هاد أقوى قرار، أنا كان مستحيل أخده لو بقيت برامالله. هالشّي أنا عم بحكي عن ح--، عن سلوي. ومن بعدها فنتت ب... بتفاصيل ال--الإشيا اللي كثير كثير عميقة مع جوا، تعرّفت على--، بلّشت إقرا كثير... كتب وقصص نسوية، بلّشت تعرّف على محيط مختلف، بلّشت ممم، ففكر عنجد ب... ممم... شكل العلاقات اللي--، مش بس العلاقات العاطفية، العلاقات كلها اللي بعيشها، أنا من أيا محلّ عم عيشه، وهو أصلاً كيف لازم عيشه، وشو خصّه بالمنطق تبع هي القصص، يعني، عم-- عم تفهمي؟، يعني بلّشت كلّ هالإشيا، كثير حلّ البش--، يعني عشت كثير كثير تحليل وهيك، والتعب والضغظ، وكلّ شي كان عم بعيشه، أوقات الحزن بخلينا كمان كثير نفكر ب... بمحلّ عميق مع حالنا. ما يعرف، عم بحكي عن تجربتي، بس يمكن... كثير خلّنتي يعني، كلّ القصص اللي كنت عم مرّ فيها والصعوبات، والتعب بلبنان، كان عم بيخّليني فوت أكثر مع حالي أنا، ليه، ليه عم حسن بهاد الموقف، وليه، ليه عم بختار إحكي هيك هون، ليه... ليه تصرّفت بهاد الطريقة مع هاد الشخص أو هي الإنسانية، هيك، ف... ايه، تعرّفت كثير عحالي، ووصلت لمحلّ أنا ربيت هيك، بس أنا حاسّة إني هاد الشكل ما بيناسبني، فأنا بحبّ كون هيك.

م.ن.: أوكيه، أوكيه، وموسيقياً؟ كيف أثر عليك موسيقياً، يمكن عاللون الموسيقية البتحيبها؟

س.ج.: [00:56:24] ايه، ب--، لإني كثير صرت عم فوت مع خالي بتفاصيل وهيك، فصرت روح بالموسيقى، يعني مثلاً، ممم... كلّ تاريخ الموسيقى اللي قرينه وكذا، حسيت قديش فيه ذكورية [تضحك] بتاريخنا، وقديش في وجع لما ما تلاقي حالك بالمساحة اللي بتحيبها. أنا كثير بحبّ الموسيقى، وإني جيت من فلسطين لهون لأعملها وكذا وهيك، بس... بس أنا مش، مش ملاقية حالي تماماً، كان في أنا مفقودة شوي بهاد المحلّ، وبلّشت كثير إنبش قصص، يعني وين دور المرأة بكذا؟، وين، يعني، أول سؤال كان كثير على راسي إني ليش كلّ الوقت عم نتعلّم مثلاً صالح عبدالحّي، عبدالحليم حلمي، يوسف المنياوي، سامي الشقي... ولو! نحنا وين؟، ومن، من هون، من هاد المحلّ، إحنا وين؟، كثير فنتت على محلات... لقيت إني أغلب الباحثين والعالم اللي بيوفتوا بهاد المجال، مش هنّي، بدّيش قول إني ممم، زايحينهم عجنب، لأ، هنّي م... لأنو التاريخ مش حاكي عنهم، مش بارزهم، فهنيّ خلص، م... متغاضيين عنهم، مش قاطعينهم. من هون بلّشت... أفكر كثير، فهلق كلّ المواضيع اللي يجرب أعملها، كثير من باب نسوي، ومش عم بحكيها لإني أنا عم بنحاز، لإني المنطق، لإني التاريخ هو كثير مهمّشني، مهمّشني أنا، ما أنا صوتي، وبغني، أنا بشبه هول العالم. فعملت أول... كثير كثير قريب، وكذا، وحتيّ لما اشتغلّت ب[؟؟؟أمهار؟؟؟] بس بلّشت سجّل وإسمع إسطوانات وكذا، كثير بلّشت "وين العوالم؟ وين النساء؟ مين هي؟ مين هي؟"، فبلّشت إسمع بأسماء، و، وأنواع موسيقى وكذا، نسانية، كثير لفتنتني، فقرّرت إني أوكيه، أنا هاد المحلّ اللي شايفة حالي فيه، واللي عم بعجن حالي فيه موسيقياً، بييشبه هول النساء اللي من قرن التاسع عشر لليوم. فأنا بدّي كون هون، وأنا، أنا هاد الصوت اللي بحبّ كونه، فعملت أول

تجربة عرض لعوالم شارع عماد الدين بمترو المدينة، واللّي هو كان أغاني بسّ للنساء، كانوا بيغنّوا، بيعتبروها العالم أغاني إباحيّة، بس هيّي أغاني فيها جراً كثير، أغاني للنساء حكيا عن الحبّ، وحكيا عن العاطفة، وحكيا عن كلّ شي بطريقتهم، كنش عندهم أيّا حيا من إئو يقولوا "أخذني بحضنه، ونمنا سوا، وباسني وبسته، وادي اللّي جراً"، يعني، ال--ال--اللّي هو كلّنا منعرف أيّا نتين بيحبّوا بعض، رح ياخذوا بعض بحضن، رح يبوسوا بعض... ونساء تغنّوا بحالهن، وتغنّوا بجسدهم، وهالقدّ كانوا جريئين، فمن هون، لقيت، عجنت حالي موسيقياً... وهلق المشروع اللّي عم بشتغل عليه اللّي هو المتصوّفات للنساء، لاّو دايماً بس نجي نحكي تصوّف، تصوّف، بتحصّي إئو جلال الدين الرّومي، كذا، أكثر شي سامعين برابعة العلويّة، مع إئو في كثير أسماء قواية لغويّاً وكتابة وكذا، كمان التّاريخ همّشهم، وب، برسالة الماجيستير تبعي، اللّي هيّي بحكي فيها عن دور النّساء في... كيف غنّوا [؟؟؟الدور؟؟؟] اللّي هو قالب موسيقيّ، بالوقت اللّي كان متعارف إئو رجال بغنّوه. ف، هون، بلشت حسن إئو أيّه أنا عم كون أنا، يعني لقيت حالي بالموسيقى وين، سواء بالبحث أو بال، بالأداء الغنائيّ.

م.ن.: سلوى، المتصوّفات للنساء يعني اللّي بيغنّوا صوفيّ؟

س.ج.: [01:00:07] اللّي كتبوا شعر صوفي، يعني، هيّي شاعرات متصوّفات كتبوا يعني، وما نح--، عنجدد يعني، أصلاً أنا بطلوع الرّوح عم لاقى معلومات، أو عم لاقى... بتقوتي غوغل [google] مثلاً، بتحصّي "تصوّف"، شوفي شو بيطلعك عن الرجال، بس شوفي مثلاً للنساء، قدّيه في أسماء، بسّ قدّيه... هيك عجنب.

م.ن.: أنا مثلاً ما كنت عارفة إئو في نساء كاتبين أشعار صوفيّة

س.ج.: [1:00:35] في، في كثير و، يعني هلق في، مثلاً في وحدة من المتصوّفات كاتبة بردة، بردة اللّي هيّي معروفة، في [؟؟؟بردة/بردى؟؟؟] غنّتها أم كلثوم، في [؟؟؟بردة/بردى؟؟؟] غناها مصطفى سعيد، مم... واللّي كتبوها ذكور، يعني. في [؟؟؟بردة/بردى؟؟؟] لالها، عائشة البعونيّة، ما حدا، يعني أنا ولا مرّة سمعتها، ولا قريتها بالتّاريخ، ولا حتّى أخذيتها بصفّ عربي، ولا عرفتي؟، ولا، ولا يعرف عنها.

م.ن.: شو يعني [؟؟؟بردة/بردى؟؟؟]؟

س.ج.: [01:01:00] هو [؟؟؟بردة/بردى؟؟؟] هو ال، الشّعّر اللّي تغنّوا فيه، مش، مش، مغنّي، بس بيتغنّوا بمعنى إئو بيكتبوه، بيمدحوا الرّسول. بس هو شي كثير خصّوا باللّغة يعني، ف، ف، هلق في قصص على قصّة غناء، وكذا، إئو مش لازم، وهيك، بس إئو هو إذا بتأخديه من شقّ اللّغة، بالشقّ اللّغويّ تبعه وكثير بكون قوي والو، إلو ترانبيه معيّنة، وطريقة معيّنة باللّغة، وهيك شي، واللّي هو خصّوا بالتصوّف يعني، كمان، مدح، مدح الرّسول، وكذا وهيك.

م.ن.: إنتي بتحبّي تغنّي أغاني صوفيّة؟

س.ج.: [01:01:35] إيه، كثير، يعني أنا بحبّ غنّي، أنا ما، ما، ما حبست حالي بلون، يعني، حبست حالي بلون، ميلا، لون الموسيقيّ العربيّ، بس مشرقّيّ، بس ما حبستش حالي بزوايه، يعني أنا غنّيت تقاطيق العوالم، اللّي هو قلتك عنّه، هالشّي، ال... الغناء الجريّ

م.ن.: بتتذكري أوّل حفلة شاركتي فيها؟ أوّل حفلة غنّيتي فيها؟

س.ج.: [01:02:00] بحياتي؟

م.ن.: إيه

س.ج.: [01:02:02] بالمدرسة، مم... صفّ ال--، صفّ الموسيقى يعني مع المعلّمة، كان في عنّا حفلة آخر السنّة، وكنا عم نغنّي أغنية فيروز، هات تقلّك شو هيّي، مم... ما بعرف إذا نسّم علينا الهوا أو بكرم اللّولو، أو هيك شي، وأنا قول، وعم تحفّظنا، عم تحفّظنا، وبتعرفي بدّهن يجوا الأهالي يحضروا الحفلة، وكذا، وأنا، يعني، بتذكّر كثير منيح إئو كنت شو؟ رندح، إئو

بلّش، عرفتي، غنّي، فالمس حسّت إنو صوتي... مقبول بالنسبة للمجموعة، فقالت "سلوى، تعي لهون! رجعي غنّي هي" فعدلتها ياه، قالت أوكيه، وقفوا كلكن لورا، سلوى وقفي قدام، "حافظتيها منيح؟"، بتذكّر كثير منيح كان عالورغ، قتلها إيه مس، قالتلي "يلا، بلشي غنّي"، ومن وقتها، صرت بحفلات المدرسة، أنا اللي بطلع بغنّي قدام، والمجموعة بتغنّي، بترد كورال وراي.

م.ن.: يعني معودة من إنتي وصغيرة تغني قدام جمهور؟

س.ج.: [01:03:03] إيه.

م.ن.: كيف كان، شو حسّ--، بتتذكّري، ما بعرف إذا بتتذكّري شو حسيتي أول مرة غنيتي solo؟

س.ج.: [01:03:12] ما بتذكّر، بس بتخيّل يعني، نحن صغار منكون أجراً من إحنا وكبار، فبتخيّل إنو أهلي جايين يحضروني، وإنو يي، وأنا حافظة هيدا الشّي، وإنو أنا دائماً بيقولولي وأنا صغيرة، كانت عندي هي الثّقة تبع تجرب إشي، بس كان دائماً يقولوا "مين بدو يعمل كذا؟"، فأنا أول وحدة بادر لأعمل الشّي، يعني عنجداً ما بتذكّر الشّعور، بس أنا بقدر إتخيّله إنو إيه.

م.ن.: بتتذكّري الحفلات اللي عملتها بعد المدرسة؟

س.ج.: [01:03:39] إيه... كان في تجربة غنائيّ مع وليد عبدالسلام اللي هو فنّان فلسطيني غنا كثير للإنتفاضة، ولل--، يعني أكثر شي هو مشهور بأغاني الإنتفاضة التّانية، فغنيت معه وكنت كثير بحبه لإنو وأنا صغيرة كنت بروح بحضره، و... وبعدين فجأة لما كبرت، هو تعرّف عليّ وقلي تعي غنّي، تجي تغني معي، فهّي كانت أول الحفلات، بعدين... مع معهد إدوارد سعيد، غنيت، وعزفت بزق، و... كنت، غنيت فنرو مع فنّانات فلسطينيات، مثلاً سناء موسى، دلال أبو أمنة، ممم... كنت بالكورال تبعهم. فايه، يعني، بتذكّرهن منيح، بتذكّر.

م.ن.: بتتذكّري أكثر حفلات مبسّطي فيها؟

س.ج.: [01:04:36] عوالم، كان إلهم أوف، هيك، حسيت حالي، أول شي لأني كثير قريت عن العوالم، فجزيت إني جسّد... صورتهم هنّي، ممم... لإنو كمان العرض كان قريب عقلي، يعني هنا القدس كنت كثير بحبه، عم بحكي عنجداً جوّ القدس بالتلاتينات هو شي كثير، [؟؟؟من؟؟؟] الأرشيف، وهيك، بس إنو عوالم كنت عم غنّي أنا، يعني، عم، عم غندي صوت نساء، النّساء كانوا بهاد الفترة، عرفتي؟، القرن التّاسع عشر، أول قرن العشرين، كان في سعادة كثير مخيفة

م.ن.: إيمتي هيدي؟ من كم سنة؟

س.ج.: [01:05:15] هي من سنتين، ضلّ العرض عم يعرض لسنة ونصّ، كان عنّا عرض أول ما بلّشت كورونا، والتغى. فايه، و... فكثير، كتي--، عوالم كان من أحلى العروض اللي هيك، حسيت حالي فيها إنو عم، عم قول رسالة، مش بس عم غنّي. كمان الغناية مع أصيل كنت كثير بحب، كثير كثير بحب، يعني عم، عم طبّق كلّ الطّريقة اللي عم بتعلّمها بالجامعة، بتعلّمها بزّا الجامعة، واللي بحبّ هاد ال، اللّون الموسيقيّ اللي أنا متوجّهنله، كنت عم حسّ حالي إنو عم غنّي وقوله برياحة يعني، مع أصيل لإنو الجوّ ال... فرقة كثير فاهم عليكي، وكثير بساعدك على إنو تطلي هي التّفاصيل.

م.ن.: شو يلي بتحبّه إنتي بهالألوان الموسيقية، يعني، إنو ليش هول الألوان جذبوكي؟

س.ج.: [01:06:10] عندي كثير، بتعرفي هي الفترة عندي كثير... ممم... هيك خبصة أفكار عن قصّة الهوية، وأنا عنجداً ليه هالفد، فيّي قول متعصّبة لهي المحلّات اللي خصّها باللّغة، يعني أنا لهلق بكتب بالعربي، بقول للعالم حكوني باللّغة اللي بتحبّوها، بس أنا بحبّ إبعث للعالم بالعربي إذا هنيّ عرب. لهلق مثلاً، ب... لهلق بحسّ إنو ب... بحبّ هاد اللّون الموسيقيّ. أنا بتخيّل إنو إذا قدرنا نفهم الهوية من هاد المحلّ، من هاد المحلّ اللي قصدي، الموسيقيّ، مجتمعيّ، إنو بعيد عن الحدود وكذا، بحسّ إنو لون بيشبهنّي، بحسّ إنو صبغتي، بحسّ أنا شكلي أصلاً بيشبه هاد الشّي، ماء، ما فيّي كون حدا تاني، لبسي وشكلي

وشو بحكي وكيف بحبّ وشو باكل وليه بحبّ كون بلبنان مش بفرنسا هلق، وليه إخترت روح أعمل موسيقى عربيّة مش موسيقى عربيّة، وليه ولا مرّة عندي شعور إنّو بحبّ عيش بأوروبا، ولا كندا، ما بحبّ، يعني أنا بعرف حالي إنّو يمكن إضطرّ مرّة من المرّات بحياتي، واللي عم فكذر فيها هلق، إضطرّ روح عيش هناك، بس إنّو ما بيشبهني، مش أنا، بحبّ الناس اللي بيشكوا مثلي، بحبّ الناس اللي بيفكروا بهاد المحلّ، بحبّ الإشي اللي بتشبهني، بتشبه هويّتي، فيحسّ إنّو هاد اللون، كيف بدّي إرجع لأول حديثي، طفولة سلوى وشو عاشت، الأرض، وشو مسكت بإيدها وكذا، بحسّوا هو بيشبه هاد التكوين اللي صار، هويّ هي الهوية تبعتي، مش عم بحكي عن هويّة سياسيّة ولا حدوديّة، ولا هويّة، عم بحكي عن هويّة إنّو، هاد الخليط تبع سلوى اللي صار بكلّ هال30 أو 31 سنة عاشتهم، إنّو طبيعي إنّو سلوى تحبّ هيك لون موسيقى، وتكون بحاجة تغني.

م.ن.: [من بين؟؟؟] الألوان الموسيقية إنّو كلّو من الماضي، إنّو الكلمات والألحان والألوان، ممم، إنتي أوقات بتحسّي إنّو بدك تعدلي أو تشكلي فيها للألوان لتتناسب مع جمهورنا هلق أو إذا منها هلق، ولا ما عندك هالشعور؟

س.ج.: [01:08:27] هلق أكيد طالما عم تقدّم شي اليوم، فحنّا أكيد عم، عم نصيغه ب... بشكل جديد يعني، هاد أكيد، ما في عمل فني، أنا ما بقدر هلق أقلّك إنّو بقدم العمل الفني كيف كانت تقدّمه منيرة المهديّة ولا أسما [الكمنثاريّة؟؟؟] ب... بأول القرن العشرين، هاد الشّي مستحيل. بس هويّ لعبة خطيرة، يعني، خطرة بأيّ منحى، إنّو قدّيه في مسؤوليّة لّمّا تقدّم شي من الماضي... ما تلغي، ما تلغيه هويّته، بس بذات الوقت، إنت ما عم تقدّمه هو ذاته، مثل إنّو عم تصبغ حالك بهاد الشّي اللي من الماضي، فانا مع إنّو طور، مع إنّو طور هاد العمل، ومع إنّو فكذر فيه بطريقة جديدة بتشبهني اليوم، بتشبه الناس اللي بتسعه كمان، بس ما إيديه لمرحلة بيطلّ بيشبهو، فيحسّ دايماً بدّي ضلّني فكّر بهاد التوازن لأنّو كثير بخوف إنّو، وبتمنّى كون عم بقدر أعمله، يعني إنّو، إنّو قدم أغنية غنّتها منيرة المهديّة بأخر القرن التاسع عشر، يعني أنا بدّي أخذ الرّوح، كثير بدّها تكون موجودة، الآلات ضروري كثير، ممم، يمكن نم-- اليوم نمط الغنا صار أسرع، أكيد مش حيكون بيشبه هادك الوقت، بدّي سرّع كذا، بس إنّو أكيد ما حايدّيه بتفاصيلها، ما ح، ما حغيّر ها وخلي الناس تسمع شي مختلف تماماً فما يعدش إلو إنّصال بالماضي، فتطوير الشّي هو مش شي غلط، بس خطير كيف طوره يعني، بدّي طور من قلبي الشّي، ما بدّي أذنيه.

م.ن.: شو الإشي اللي عم تتغيّر، يعني قلتي بتسرّعي، مثلاً، قبل كانوا يغنّوا ببطء أكثر؟

س.ج.: [01:10:02] يعني إيه، عطيت مثل، مثلاً، إنّو إيه، زمان كان ال... الغنا فيه تطريب أكثر، يعني كان الواحد ممكن يقعد على قصيدة وحدة... كلّ الليلة عم، عم يغنّيها، اليوم الناس نمط السّمع عندهن إختلف، معش... العصر سريع، وكذا، إيه، بدك توائي هاد ال... يعني أنا حكيت عنه كمثل، بس في كثير أكيد تفاصيل موسيقية فينا نشغل عليها ونطورها، بلا ما نأدي القالب من جزاء، بلا ما نأدي الأصل، الهوية الحقيقيّة، تضلّها مبيّنة، واضحة للناس شو هويّ. لّمّا بعمل مشروعني أنا، فيّي أعمل اللي بدّي ياه، يعني أنا دايماً بقول إنّو أنا لّمّا إجي أعمل مشروعني، حرّة، انشالله بعنّي شو ما بدّي، بعمل اللي بدّي ياه، إنّو هاد مشروعني، أنا عم بعلمه، بس لّمّا بعنّي شي لحداء، في مسؤوليّة إنّو كيف قدّمه، دايماً، في مسؤوليّة كيف خليه بيشبه حالو، بيشبه هويّته، ال--ال--الأنّا عم قدّمه تقول للعالم هاد الشّي قالته منيرة، مش سلوى، بس سلوى عم تقوله عن مثلاً أسما، ولمنيرة، ولأيّ حداء، فبدّي كون كثير حذرة بالتعامل معه، وهو شي كثير بخوف وخطير ومسؤوليّة، وكثير كثير حسّاس يعني.

م.ن.: كيف بتحسّي الجمهور بيتفاعل مع هالألوان الموسيقية؟

س.ج.: [01:11:19] ممم، هو، صراحة أنا كثير إستغربت، لأنّو ب"هنا القدس" عم غنّي أغاني من الثلاثينات، كانت بإذاعة ه--، بإذاعة القدس، بال36 يعني، وبالعوالم عم نغني إشي من أواخر القرن التاسع عشر، أول العشرين، وكان كثير في حضور، و، والغالبية شباب، يعني، فيها ناس من عمرنا كمان متعطّشة لتسمع، إنّو هو، كلنا، كلنا عنا يعني، كلنا طفولتنا وحياتنا، التراب المنمشي عليها، الرّيحة اللي منشمها، كلنا سنّنا، وجدّنا، أهلنا، هني هول، هني هي الموسيقى عرفتي؟، فإنّو طبيعي، لازم نكون يعني، بزوايه إيه، إنّو، نروح لهاد المحلّ، وهاد الصّراع تبعنا دايماً.

م.ن.: إيه، مطبوّط سلوى، إنتي قلتي بلشتي عن جديد عم تلعب العود، تدقي آلة العود، ليش، كيف فكّرتي إنّو تبلّشي هيدا الشّي، قلتي إنّو خصّو ببيك...

س.ج.: [01:12:17] هلّق لَمَّا جيت إتعلّم غنّي، كان لازم في آلة ترافقني، شرفيّة يعني، و... كان إلي خيار إختار شو هيّي الآلة، وبدون ما فكّر، أوّل شي رحّت عالعود، لأنّو كان دايماً بابا، دايماً، يعني لَمَّا فنتت عادوارد سعيد تاتعلّم، أنا إخترت اليزق، بسّ بابا كان يضلّ إنّو، "بابا، إعرّفي عود، إعرّفي عود"، هو كان غرامه يدقّ عود، ف، حسّيت إنّو إيه هلّق، هيّ العلاقة الغربيّة مع الأهل، إنّو ولا مرّة حنتفسّر، حسّيت إنّو هلّق جاي عبالّي دقّ عود وروح لعند بابا وإقعد غنّي أنا ويّاه.

م.ن.: بتحبّي، بتمبسطي بسّ تدقّي العود؟

س.ج.: [01:12:58] إيه، كثير. كثير لأنّو ب، يعني، كمان العود هيّي آلة، بيصير صوتك ببشبهها، يعني بتطوّعي صوتك معها لتساعدك أكثر بالغانا، وهيّ كثير بتساعد يعني، مثلاً، بسّ جيت إتعلّم مقامات كان أسهل شي عالعود، فبالنّالي، أنا لإني سامعة صوت آلة، فعم يكون أسهل على صوتي طبّق هالنّشي، فهّيّ كمان كثير آلة يعني... وهيّ من أكثر الآلات الشرفيّة اللّي مع المعنى أسهل شي، مش مضطّرة زيّ القانون تكوني عم تطلّعي، ف، يعني، إلهّا كثير، كثير أسباب ليش العود، بسّ كان السبب الرّئيسيّ هو بيّي صراحة.

م.ن.: يعني هلّق إنتي بسّ تغنّي بحفلة بتكوني عم بتدقّي، أو...؟

س.ج.: [01:13:38] لأ، لهلّق، بحفلاتي ما بدقّ عود، لأنّو، يعني، أنا ب--، يعني، بعدني هلّق بهذّ اللّون، فيّي قول، بلّشت غنّيّه من 5 سنين، أو 4 سنين، هادّ اللّون، فإنّو بعدني ما تجرّأت لمرحلة إنّو عم دقّ وغنّي، عرفتي، بعدني عم غنّي، وحدا بيدقّ، بسّ بالبيت وقتا إتمرنّ، كذا، دايماً مع عود، أو بقعدات صغيرة مع أصدقاء هيّك، إنّو إيه

م.ن.: مبسط بيّك؟

س.ج.: [01:14:02] كثير! بابا، يعني، ما فيكي تتخيّلني قديّه فخور فيّي، يعني، في شعور بالفخر بكلّ حديث بيصير، لأنّو، ممم، في زاوية ب، عند بيّي وإمي، مثل، نحنّا تمرّدنا، وحققنا كثير إشيّا، يعني أنا وإخواتي بالنّسبة إلهم، حققنا كثير إشيّا همّي كانوا حايّين يعملوها بالحياة، وظروف كيف عاشوا ما مشي الحال، يعني بابا، بسبب ال، الإعتقال المتكرّر من الإسرائيليّة، ما قدر يكفّي تعليمه، بلّش سنة أولى جامعة ولهلّق ما معو شهادة جامعيّة بابا، لأنّو كان كلّ مرّة بيفوت عالجامعة بيحبسوه، فبتروح عليه السنّة الدرّاسيّة، فيبرجع بيفوت، آخر شي خلص، قال إنّو "ما بقى بدّي إتعلّم"، فهنّي كثير بمحلّات، مثل دفهونا لنروح لقصص هندي كمان بحاجة لإلهن، وراحت بالمحلّ الإيجابي، الحمدالله، يعني ما دفعونا محلّ سلبيّ.

م.ن.: شو حلّو إنّو أهلك وقفوا حدّك، مثلاً في كثير عالم بسّ يقولوا لأهلن "فاينين موسيقى" ما كثير بيحبّدوا عهدا الشّي

س.ج.: [01:15:14] إيه، ماما كانت كثير كثير داعمة، كثير. بابا، ما عبّر عن دعمه، بسّ أنا كنت عارفة إنّو هو كثير مبسوط. بابا كان خايف أكثر، إنّو إجي، وكذا، وإتغ--، يعني كان عنده الخوف، بسّ، بسّ بيّي م--، يعني، بيحسّسك بالفخر بعد ما يقطع وقت، نيّأكد إنّو إنتي كنتي قدّ التّجربة، فايّه، هو هلّق كثير بيعبّر عن فخره، بسّ بالبداية كان كثير في خوفن كان يضلّ إنّو "إنّتي متأكّدة؟"، ما بدك ترجعي؟" بسّ ولا مرّة كان في إلهن ضغط عخيّاراتنا، ولا مرّة، وهادّ الشّي اللّي دايماً بقول إوقف، قديّه أنا محظوظة بحياتي. دايماً كان في عندي قبول، مش فعل بمجتمعنا إنّو أنا فلّ وإتعلّم وأعمل إشيّا لحالي وقزّر، وأهلي كثير كانوا حريصين على إنّو، فهموا شخصيّي هالقدّ، قديّه هيّي مستنّقة، كانوا كثير حريصين إنّو يتركوني مارس عنجّد إستقرارّي بشكل مريح، وخلص.

م.ن.: عم تقدري تشوفيهن؟

س.ج.: [01:16:18] هلّق من وقتنا كورونا عم نتواصل video، إيه

م.ن.: أوكيه، من قبل كيف كنتي تشوفوا بعض، إنتي تروحي، هنّي بجوا؟

س.ج.: [01:16:24] إيه، كان كلّ 3 شهور، هيّك شي، إنّو بنزل. هيّ أوّل مرّة بقعد هالقدّ وقت، يعني صرلي سنة وشي مش شايّفة أهلي، فهيّ أوّل مرّة هيّك.

م.ن.: ممم، كنتي تمبسطي بس تروحي ع فلسطين، شو كنتي، بتحسني إنو كثير تغيرت عليك؟

س.ج.: [01:16:38] [ntsk:] بحسّ رامالله معشّ تشبهني أبدأ، لهلق يعني بحبّ الضيعة أكثر صاير، رامالله ما... يعني، صارت كثير كمان قصص، وأنا هون، وقتها، أنا لإنو كنت بعرف الشخص اللي كنت معه، اللي هو أنا كنت خاطبته من عمري 17 سنة، فكان كل المحيط تبعنا هو شي أنا وهو، فلما انفصلنا، حسيت مثل، لإني أنا البعيدة، مثل عنجدّ انفصلت عن كثير إشي، ولليوم مش عارفة رجّ علاقتي لا بالمكان، ولا بالأشخاص، ولا بأيّ شي بالمحيط يعني مثل قبل، أو حتّى أخلفه صيغة جديدة، لهلق ما قدرت ععالشتي، بسّ إنو أهلي قدرت لاقني معهن صيغة جديدة حلوة كثير، لأنو ببداية انفصالنا كان في كثير عتب، وطريقة مش لطيفة، بالت...، يعني كيف تعاملوا معي فيها، فتمردت بزيادة، ووصلت لمحلّ إذا كان هاد السبب، حيكون في قطيعة. هاد الشّي مثل رجع ركلج مع أهلي شي، ممم، هيك ركلج معهن شي، ورجعت علاقتنا إنبتت بطريقة مختلفة، وجديدة، وحلوة، وهيك بيّ مثل صديق، يعني، بكون عم بتصل معه، بحكيله عم قصص يعني كثير، كثير غريبة إنو البنت تحكيها مع بيها وإمها، واللي هو الشكل الطبيعي عكرة، نحنا منستغزبها لإنو نحنا بمحيطنا، بمجتمعنا، منعيش، منفكر إنو لازم نكون هيك، بسّ هيّ الشكل الطبيعي يعني عم عيشها مع أهلي هلق، مثل شي إنفرض، خلص.

م.ن.: يعني ما بقي كثير تحسني إنو تلاقى حالك هونيك؟

س.ج.: [01:18:19] هلق، ممم، هو إنتي عم تسأليني أسئلة أنا هلق أصلاً ب... ب... يعني هيّ الأسئلة اللي... الكلّ الوقت براسي، وعم عيش صراع معها، عرفتي؟، صراع إنو ليه أنا وقتها عم بوقع بلبنان، بخاف كثير إرجع عرامالله؟، وما بدّي. هلق لا ما عم حسّ أبدأ إنو قادرة إرجع لهنالك. ف... يعني إذا عم فكر، عم فكر بمحلّ ثالث، بس مش، مش إنو أرجع ع فلسطين بالوقت الحالي، يعني في كثير إشي لسا بحاجة فكر فيها وحلها، وعنجدّ، جاب عن كثير أسئلة مع حالي، إذا أنا عنجدّ بدّي إرجع، ليش؟، إذا ما بدّي إرجع، ليه؟، شو السبب اللذي عم بيخليني هالقد خايفة؟ بس اللي متأكدة منه هلق، شعوري إنو أنا ما بدّي هلق إرجع ع فلسطين، مش قادرة أكثر من إنو ما بدّي.

م.ن.: أوكيه، سلوى، بتقدري تخبريني عن الصعوبات اللي مرقتي فيها بمسيرتك الفنيّة؟

س.ج.: [01:19:30] م، أكثر صعوبة إنو أنا جيت إتعلّم موسيقى بعمر كبير. يعني، بلشت، جيت علبنان كان عمري 25 سنة، اللي هيّ العالم بتكون خلصت جامعة، وهلق عم تستقرّ بشغلها، وعم تبني لشغل. أنا كنت عم بلشّ جامعة، عمر 25، شي بحبه، و... كان، هاد من أكثر شي صعب، يعني فنتت جامعة مع عمر كثير أصغر منّي، بلشت، هلق مش عم حسّه كثير لأن هلق عم بعمل ماجيستير، بس قبل، كان كثير صعب، كنت مع عالم جاي، هلق تخرّجوا من المدرسة، وجايين، فهاهمة الشّعور قديّه، وأنا جاي أعمل شي أنا كثير بحبه ومأمنة فيه وبدّي ياه، وهتيّ جايين، بعدهن يكتشفوا، يتسلّوا، وحدا بدو بيقي، وحدا ما... هك، يعني، مي كثير كانت صعوبة. وكمان قصّة إنو أنا فلسطينيّة، كان في إلها كثير أبعاد بلبنان، كان في كثير محلات، مهرجانات، ما فيي كون فيها أو قدّم عليها، لأنو هيّ بتحمل طابع، يعني... لمعايير ونخب معينة بلبنان، فأنا بستثنى منها. ممم، بففف، كثير، يعني، أغلب الإشي اللي خصّها ب...، بموضوع مسيرتي الفنيّة بلبنان هيّ دخلها بهويّتي، بجنسيّتي الفلسطينيّة أكثر، كنت بحسّها كثير، أه، أوكيه، من إني، بتذكر كثير محلات مثلاً عنجدّ كان إنو "أه، ما بتحكي فرنسي؟"، هالقد شي إنو، هالقد عائق بحياتي، إنو رواق، مش هالقد. بس هيّ يعني، هيّ تفاصيل، فيكي تلاقيلها مخارج مريحة، بس هاد لا يعني إنو هيّ مش موجودة، هيّ موجودة، ومهمّ نفكر فيها، بس لما بيكون صعب كثير إنو تحليها، أو حتّى تفكر في إنو نأثري بحلها، بنفضلي إنو تروحي عمحلات إنتي قادرة تشتغلي وتطوّري حالك فيها، وهاد اللي أنا كنت دايماً بتعامل فيه، كنت بهرب من كلّ شي هيك، لمحلّ إنو أنا بدّي ركز لإشتغل وكون هون قويّة، [تأخذ نفس]، الصعوبات كمان إنو، يعني هيّ، بلشت متأخر، بلشت عود عهاد العمر، فأنا بعدني، بدّي تمرين كثير، يعني كنت عم بعطي جهد زيادة عن الجهد، وأكبر صعوبة واجهتها، ولسا عم واجهها، إنو أنا لما إخترت إطلع من فلسطين لإتعلّم موسيقى، كان بدّي حياتي كلّها تكون موسيقى، بدّي إقعد فكر بمشاريع، وأعمل، وهلق عندي، يعني إذا بخبرك قديّه في عندي هيك ورقة مشاريع عم فكر فيها، وقصص، وبحث، وهيك، الشّي المؤذي إنو أنا عم بضطرّ كلّ يوم من حياتي لإشتغل 8 ساعات، بشغل أنا ما... يعني، لا بدّي إطور فيه، ولا هو مجالي، ولا، عرفتي؟، بسّ كرمال إقدر أمنّ إنو أعمل موسيقى، وهاد أكبر أذى بيعيشه عنجدّ، يعني كلّ موسيقيّ، بعرف منيح إنو أنا مش لحالي بهاد الشّي، أنا بشارك هاد المشاعر مع كثير موسيقيّة، يعني أنا بشتغل بمؤسسة دراسات بأرشفة الصّور، واللي هو شي، أوكيه، الشغل حلو، وأرشيف، وكثير عظيم، بسّ إنو، أنا موسيقيّة، عرفتي؟، يعني أنا الـ8 ساعات هول البنهار، والضّغط اللي عم عيشه هناك،

والثعب، عم برجع كثير تعبانه، وبدّي أكل، ولحقّ أعمل الإشيآ اللّي بحبّها، هادّ عم بيضّي علي كثير وقت من موسيقتي أنا، ومن شغلي أنا اللّي لازم إشتغله عحالي بالموسيقى، هادّ كثير... كثير بوتّرني، وكثير هالفترّة ضاغطني، إنّو، إيه، إيه، بدّي، بدّي، مثلاً بحث المتصوّفات بياخد معي 3-4 سنين، بطريقة كثير بطيئة، لأنّو أنا ما عم بقدر، يعني عم برجع كثير تعبانه، بدّي أكل، بدّي إدرس، وبدّي... وأنا أكيد عم بعمل ماجيستير، بدّي إدرس وبدّي إتمرن شوي وكذا، بكون هلكت، بدّي نام، بس عم تتخايلي لو أنا نهاري كلّ بهادّ المحلّ؟ أنا كثير بقصر قصص [؟؟؟ غير واضح؟؟؟]

م.ن.: يعني مش كثير عم تلحقّي تلعب موسيقى، وتغنّي، وهيك؟ مش كثير؟

س.ج.: [01:23:32] مش كثير عم لحقّ مقارنة بقديّه عندي طاقة لأعمل هالشي، يعني، أنا، مثلاً مبارح، كان عندي اليوم درس ال solfege تبعي، وكان لازم حلّ شي، مبارح كان نهاري كثير مرهق بال--، بالشغل، وأنا للساعة 12:30 عم جربّ فتحّ عيوني بس لكفيّ درسي، اللّي بدّي قدّمه للجامعة، اللّي هو خصّه بالموسيقى، وخصّه بإني عم طورّ حالي موسيقياً، وهادّ شي كثير مؤذي.

م.ن.: وكمان عم تعطي صفوف solfege قلتي؟

س.ج.: [01:24:08] إيه، عم علم، هوليك، عم علم أطفال، يعني عم ب--، عم علم مع مؤسّسة إسمها العمل للأمل، أطفال، عم علمهن موسيقى غني، و solfege هيك، مطبوط، واللّي هو شي كثير بحبّه، كمان هو مرهق، بس هادّ بمجالي، هادّ ف--، يعني، عمليّة التعلّم بال، بالموسيقى، بتخايلي كمان إشيآ مع حالك وتطورها.

م.ن.: مش عم يبقالك وقت ت... تمبسطي وتتسلي؟ يمكن تهتمّي بحالك؟ مش كثير؟

س.ج.: [01:24:33] لأ، نهائياً أبدأ أبداً، لأنّو، هو شغلي هول ال-- بالمؤسّسة، مزعجة كثير لهي الددرجة، وعم بضطرّ إنّو كون ممم، أحاد عم علم كمان، وبمنطقة بعيدة، بالبقاع، فكمان مشوار، فبروح نهاري، فلا، كثير، هادّ كمان أحد الأسباب اللّي بحسّ حالي كثير تغيرت، يعني عنجدّ مش عم--، ما في، ما في، ما في إفضى لإهتّم بأني شي، يعني كلّ الوقت بدّي أعمل الشّي اللّي بحبّه، لأعمل الشّي اللّي بحبّه اللّي هو الموسيقى، بدّي أعمل كثير إشيآ حدّه تضلني واقفة عاجريي وأعمل هال، هالشي اللّي بحبّه بحسّ حالي بدفع كثير من تعب ومن وقت ومن... وهادّ كمان لبنان جزء من، من، يعني سياسة تجاه الآخر، في كمان جزء من الوجود، يعني أنا، أنا كان فيّي لو كنت بمحلّ تاني قوانينه أحسن مع الأجنبي، فيو، فيو يشغل أعمال معيّنة، مثلاً، وبعلم الدولة، ورواق، ويكون عم بياؤمن هيدا الشّي، وأصلاً الجامعة مش هالفقد حتكفّه، بس أنا بلبنان عم بعمل كلّ شي بالخفية، وعم بتقاضى كثير إشيآ قليلة، لأنّو أصلاً ما فيّي حتّي إرفع صوتي وقلهن، ما في عقد بيننا يعني، هالفقد

م.ن.: وهلقّ كمان زمن الكورونا، وكلّ ششي عم نمرق فيه بلبنان، عم تحسّي عم بيأثر زيادة على الإبداع تبعك؟ وعالموسيقى، وهيك؟

س.ج.: [01:26:05] إيه، أوّل فترة كورونا، ما، ما، ما كنت، يعني، عشت هيك حالة ركود، لأ، بعدين رجعت شوي إنتعشت، يعني بالعكس، أنا كان، غريب كثير الشّي اللّي بدّي قوله، بسّ كان أوّل مرّة بلاقي وقت مع حالي بالكورونا، من قديّه، كلّ الوقت صرلي ركض ركض ركض، هي أوّل مرّة بقعد [؟؟؟ غير واضح؟؟؟] منيح، ممم، بغنّي، بسمع إشيآ، إشتغلت كثير عمشروع المتصوّفات، هيك، فكرت بإشيآ ثانية، يعني هيك، كان، عنجدّ هي أوّل مرّة، بسّ رجعت وقت الانفجار، واللّي صار، حسيت حالي رجعت كثير أشطت، معشّ حاسّة ولا شي عم بعمله مهمّ، هلقّ شوي شوي عم برجع

م.ن.: حسيتي إنّو... مرقت فترة حسيتي إنّو الموسيقى مش مهمّة، بكلّ شي عم نمرق فيه يعني؟

س.ج.: [01:26:57] لا، لا، لا، لا، كان عندي دايمياً مخرج هو الموسيقى، بس، ممم، مثل كان، بتعرفي لما عقلك بيفكر بشي، ومأمّن فيه، بس إنتي ما عندك ولا 1% قدرة جسديّة إنّو عملي هالشي، فهّي الحالة ولا مرّة كنت عايشتها أنا، إلّا وقتا صار الانفجار، إنّو أنا ما، يعني، أنا عقلي مقتنع بأنّو بدّي أعمل كذا وكذا، وبدّي كفي، وإنّو الحياة بدّها تكفي، بس إنّو أنا جسدياً إحمل

عود، إنّي إسمع شي، إنو مش قادرة على ولا شي من هالتفاصيل، بس الحمدالله ما طوّلت كثير، يعني بعد في عندي رفقات لهلق فاييتين بال، ما أخذت كثير معي وقت.

م.ن.: هلق حاسّة أحسن؟

س.ج.: [01:27:40] أحسن، وأنا بس، ممم... بحسّ حياتي قرارات، أنا بس قرّر كون منيحة، بكون منيحة، ما في شي، أوقات بقسى عحالي كمان، بس قرّر إنو بدّي أعمل هالشي بعمل هالشي، فأوقات بجبر حالي إنّي، بكون كثير مرهقة، كثير [؟؟؟] غير واضح [؟؟؟]، كثير عايشيا، بس خلص إنو عطيت حالي كثير وقت لكون بهي النفسية، هلق بدّي إجبر حالي على شي مختلف

م.ن.: أوكيه، سلوى فيكي تخبريني عن نهار بحياتك اليومية؟ [تضحك]

س.ج.: [01:28:14] نهار؟ النهارات شو بيشبها بعض، ممم... هاذ النهار أثناء كورونا ولا ما قبل كورونا ولا؟ [تضحك]

م.ن.: ممم، مثل ما بدك فيكي ما قبل، وفيكي بعد، مقارنة

س.ج.: [01:28:5] ممم، هلق نهار كثير ركض بركض، بس إنو أنا إجمالاً بفيق كثير بكير، مضطرة يعني، بتمنى نام، بس مضطرة، بروح عشغلي، بخلص 8 ساعات من نهار بي، شغل لطيف ظريف، بس ما كثير، ما، ما كثير هو مساحتي بالحياة، بخلص، بكون ركض بركض، هاذ بفردان مثلاً، بكون ركض رايحة على الكسليك لحتى إحضر صفّي، ممم، بس وأنا عم بحضر صفّي، لا ما فيتي خبرك عنجد، بكون مثلاً عم غني، والدكتور بكون عاطيتني موشح أو شي كثير صعب، وأنا بفاجئها، مثلاً بكون عاملة شي هيك هالقد وعارفة، بكون عارفة إنو أنا هلق بهي اللحظة أنا عم بعمل شي لفاجئها، مثلاً بتقول "الله!!" وإنو هيك، عرفتي؟، كثير بحسها أوف، أنا هلق شو مبسوط، أوف، عم بعمل شي كثير مبسوط فيه. بخلص، ويرجع كمان ركض بركض، وببجي مثلاً زي هلق، بقعد، أول مرة بحكي عن إشيأ خصها بطفولتي وشبابي ولبنان، بجمع كل هي التفاصيل، وأنا يعني ولا مرة فكرت فيهن مع بعض صراحة، يعني ولا، أول مرة بحكي إشيأ حتى عن طفولتي، أول مرة بتذكر إشيأ وهيك، فالله يسامحك، الليلة شو حيصير فيي، وهلق رح خلص معك وأركض ركض عالجنوب

م.ن.: أوف، ليش؟

س.ج.: [01:29:48] لأنو أنا وقتا كورونا أخذت بيت بالجنوب، وزرعت

م.ن.: واو، عم تزرعي؟

س.ج.: [01:29:54] إيه، عم بزرع، عندي بسينتين كمان نقلتهم عالجنوب، حسيت إنو مبسوطا هناك، زرعت وأكلت كثير من محاصلي، يعني، فكثير فحورة بهالتجربة، و متمنية إنو ما، ضلني عايشة هيك، بس عم بعمل موسيقى وإزرع [تبتسم]

م.ن.: يعني عم تقضي كثير وقت هونيك، الزراعة بدّها كثير وقت

س.ج.: [01:30:13] إيه، أول كورونا لأنو ما كنا نروح عال، عالمؤسسة يعني، كان شغلنا بالبيت، فكنت كثير عم بزرع، وقضتي وقت، وصار في كثير كثير إشيأ، بندورة، وكوسى، بنتجان، ذرة، خيار، كثير قصص يعني، ما فيتي خبرك قديه مبسوط بالتجربة، وأرض، أرض كثير واسعة، وبسينات كثير هيك مبسوطين فوق وكذا، فهيك، قضيت وقت منيح أول كورونا، بس هلق للأسف رجعنا عالشغل وهيك، مع إنو طلبت منهم إنو إبقى إشتغل من البيت لأنو وجودي بالمؤسسة ما عم يفرق كثير بالنسبة لبرّا أو جوا، بس هني رفضوا لأنو مؤسساتنا، وال، وال [؟؟؟] غير واضح [؟؟؟] بهاذ العالم كثير غريب، إنو بيحبرنا ما نكون هالقد حاسين شي مع روحنا منيح، يعني بتحسني إنو في حدا هيك، مثلاً أنا بقدم إنتاجية بالشغل، بالبيت، أكثر من إنتاجية الشغل، بس إنو لازم إبقى بالشغل، ما حدا بيّفهم ليه، فايه، هلق، هلق مضطرة إطلع، بس خلص شغلي الجمعة، بطلع عالجنوب، بضلني سبت وأحد، وبرجع.



م.ن.: أوكيه، أوكيه، يعني بيفشلك خلقك؟ الحديقة... وهيك

س.ج.: [01:31:19] إيه هلق عم لاقى مساحة، إيه

م.ن.: وتعلمتي الزراعة كمان

س.ج.: [01:31:25] كثير كنت عم ضلني شوف إشي على facebook على [غروب] إزرع، كثير كثير تعلمت قصص منهم [تبسم] و، وهيك حلو إتو نحنا عالم كلنا منشبه بعض، كنا عم نجرّب نعمل قصص، ونستفيد، وكمان، ممم، يعني في، يلي أنا مأخدة معي، معو البيت بالجنوب، كمان هو بيو مزارع، ف، ما قتي خبزك قدي، هيك، إنسان لطيف وصادق، وحداً هيك من جوا يعني، حدا بيشبهه ليه أنا بحبّ الضيعة ب[سعر؟؟؟] ضيعتي [سعر؟؟؟] يعني، فحسيت كثير في شي مشترك، ساعدني كثير، وكان دايماً عم بيعلمني كيف إزرع، وشو لازم أعمل، وإيمتي إسقي، وإيمتي خنق، وإيمتي... يعني كثير تفاصيل زراعة، عرفتي؟

م.ن.: زكرتك بضيعتك بفلسطين؟

س.ج.: [01:32:14] إيه، كثير كثير، كثير، يعني حسيت إتو في إشي، ممم، ليه أنا بحبّ [سعر؟؟؟]، ولو أنا كبيرة، بحبّ عيش بهالطريقة اللي أنا فيها، فالיום عم، عم عيش هيدا الشّي بضيعة بالجنوب هون

م.ن.: ميرسي كثير سلوى!

س.ج.: [01:32:33] ميرسي إلك

م.ن.: عمقابلة التاريخ الشفوي، كان كثير حلو

س.ج.: [01:32:35] حبيبتي، شكراً، شكراً

[إنهاء التسجيل]